

MOHLOMPHEGI, RE RATA

Go BONA JESU

¶ . . . dira batho ba tlwaelane le se re lekago go se dira. Bjale se re lekago go se dira, elelwang, ke go bona Jesu Kriste a le gona gore pelo ya modumedi yo mongwe le yo mongwe e tla tutuetšwa, tumelo ya gagwe, gore o tla obeletša godimo le go swara Modimo, le bakeng sa se a se hlokago. Ka gore tšohle re di hlokago, ka go leeto le la bophelo, di ka go Kriste.

² Go no swana le mehlare ya gago ntle mo. Tšohle mohlare wola o di hlokago . . . Ke mohlare wa moapola. A o kile wa nagana ka seo? Ge o se intšhi e tee godimo, apola ye nngwe le ye nngwe e ka tsogego ya ba ka mohlareng e ka go wona thwi fale. Diroto tše dikete tše makgolo a lesome, ge go na le tše ntši tše; e re diroto tše makgolotlhano tša diapola, di tšwa mohlareng; diroto tšohle tše makgolotlhano tša diapola di be di le ka go ona ge o bjalwa. Ge e se ona, di tšwa kae? Le a bona? Le a bona? O no o bjala gomme ka gona o swanetše go—o swanetše go moma meetse, go a moma go tšwa lefaseng. Gomme o swanetše go a moma go fihla o hwetša bontši kudu go feta karolo ya wona, morago o kgoromeletša makala ntle, o kgoromeletša matlakala ntle, o kgoromeletša matšoba ntle, o kgoromeletša diapola ntle. Le a bona? O di kgoromeletša ntle; ga o di tliše ka gare. O di kgoromeletša ntle.

³ Ka fao, fale, ke nagana gore Kriste ke Mothopo wo o sa lapišegego wa Bophelo. Gomme ge re bjetšwe ka go Yena, tšohle re di dirago ke go nwa go tšwa go Mothopo woo wa Bophelo, le go kgoromeletša ntle se sengwe le se sengwe re se hlokago ka leetong le. Dilo tšohle tše re di hlokago, di ka go Yena. Gomme re bjetšwe ka go Yena, le go goga go tšwa go Yena, gomme Yena ke Mothopo wo o sa lapišegego wa Bophelo.

⁴ A re emeng ka maoto a rena bjale, ge le ka dira, feela nakwana, ka tlhomphokgolo, ge re bala Lentšu la Modimo.

⁵ Ka gore hlogotaba ye nnyane ya rena bošegong bjo, ka gore e kgauswi le sehla sa Lentene, goba Labohlano le Lebotse, Ke nyaka go bala karolo ya Ebangedi ya Mokgethwa Johane, go thoma go temana ya 12 le tema ya 12.

Ka letšatši la go latela batho ba bantši . . . ba be ba etla moketeng, ge ba kwele gore Jesu o be a etla Jerusalema,

Ba tšere makala a mehlare ya mepalema, gomme ba ile pele go kopana le yena, . . . ba goeletša, Hosiana: Mošegofatšwa ke Kgoši ya Israele ye e tlago leineng la Morena.

Gomme Jesu, ge a hweditše esele ye mpsha, o dutše godimo ga yona; gomme bjalo ka ge go ngwadilwe,

Se boifeng, barwedi ba Tsione: bonang, Kgoši ya lena e tla go lena, e dutše godimo ga po—godimo ga pokolwana ya pokolo.

Dilo tše barutiwa ba gagwe ga se ba di kwišiša ka . . . pele: eupša ge Jesu a tagafaditšwe . . . ba gopotše dilo tše di ngwadilwe ka yena, le gore ba be ba dirile dilo tše go yena.

Gomme batho kagona bao ba bego ba na le yena ge a biditše Latsaro . . . go tšwa bahung, ba beile bohlatse.

Ka lebaka le batho gape ba kopane le yena, ka gore . . . ba kwele gore o dirile mohlololo wo.

Bafarasei kagona ba rile magareng ga bonabeng, A le bona ka fao le sa fenyago selo? bonang, lefase le ile ka morago ga gagwe.

Gomme go be go le Bagerika ba ba itšego magareng ga bona ba ba ttilego godimo go rapela monyanyeng:

Ba go swana kagona ba tlie go Filipi, yo a bego a le wa Betseida . . . Galelia, . . . ba mo kganyoga, ba re, Mohlomphegi, re rata go bona Jesu.

Filipi a tla gomme o botša Andrea: gomme gape Andrea le Filipi ba botša Jesu.

⁶ Bahebere 13:8 e re, “Jesu Kriste o a swana maabane, lehono, le go ya go ile.”

⁷ A re inamišeng dihlogo tša rena ge re rapela. Bjale, nakwana ye ya go ikgetha ka dihlogo tša rena di inamišitšwe, ka morago ga go bala Lentšu le, a go na le ba ba itšego ka mo ba ka ratago go gopolwa ka thapelong ye, gomme ba nyaka Modimo go ba direla se sengwe nakong ya kopano ye, goba ebile ona mantšiboa a? A o ka no e dira e tsebjie, ge o phagamiša seatla sa gago? O tla tseba se se logo ka tlase ga seatla sa gago.

⁸ Tate wa rena wa Legodimong, bjale re batamela Lentšu la Gago. Re batamela ka tlhomphokgolo le ka thapelo, ka dihlogo tše di inamilego le dipelo tše di inamilego, ka gore re a tseba gore ka mehla O a rereša go Lentšu le. Re a rapela bjale gore O tla re beela ka thoko go tloga go dilo le matshwenyego a bophelo ka go lefase le, gore re ke re Go hlankele ka dipelo tša go sekä le go hlweka, re hlatswitšwe Mading a Kwana.

⁹ Re a Go botšiša, Morena, a ye ke iri ye go ka kgonago go phatlogela ntle tsošeletšo ye kgolo mo ka go karolo ye ya naga? Ge e le, Morena, re mo go Go direla ka tsela e ka ba efe re ka kgonago, gomme re no ineela renabeng go Wena, bakeng sa tirelo yeo. Gomme a nke se sengwe se direge, Morena, seo se tla huduago dipelo tša batho. Gomme go ka no ba gore kopano e nno

bewa go ba ba sego nene ba ba phatlaletšego ntle tikologong mo le bjale, gore mohlomongwe e ka no ba moleloko wa mafelelo wa Mmele wa Kriste a tla oketšwago thwi mo ka Louisiana, gomme ka gona ma—ma mabati a tla tswalelw. Ga re tsebe feela eng, Morena, re no be re sepela ka tlhokomelo, re šeditše mosepelo wo mongwe le wo mongwe.

¹⁰ Gomme re a rapela, Tate wa Legodimong, gore O tla fodiša balwetši bohole le batlaišegi. Ge ke lebelela, go robetše mo, yo monnyane wa go šokiša, ngwana wa go tlaišega, le batho ba robetše go dikologa, ba babja le go hloka. Modimo, a nke ba lebelele kgole go tloga go ditlaišego tša bona, bošegong bjo, le go kgabola beke ye e tlago ye, gomme a nke go se be motho wa go fokola magareng ga ren a go tswaleleng ga kopano ye.

¹¹ Šegofatša badiredi, Morena, le tirišano ya bona ye kaone, le dilo tše ba di dirago, go tla mmogo. A nke batho ba lemoge gore ye ke pe—pe pelo ya wa bona—modiša wa bona, go leka gotliša ka gare se sengwe le se sengwe, le mpho ye nngwe le ye nngwe, le se sengwe le se sengwe ba kgonago, seo se hlomphiwago ke Modimo, gore se ke se thuše phuthego ya bona go bona le go dumela, le go gola. E fe, Tate.

¹² Re lebalele dikarogo tša ren a. Efa kgopelo ye nngwe le ye nngwe ka tlase ga diatla tšela, bošegong bjo. Morena, sa ka godimo, Wena o tseba pelo ya ka, thapelo ya yona—ya yona go batho. A nke Jesu a tsebe magareng ga ren a, Tate. Re fe tšhologelontle ye kgolo ya ditšhegofatšo tša Gagwe.

¹³ Gomme ge re tloga fa, bošegong bjo, a nke re kgone go bolela boka bale ba tšwago Emause, letšatši lela ka morago ga tsogo, ge re tsena dihla tše kgethwa tše, “A dipelo tša ren a ga se tša swa ka gare ga ren a,” ba rile, “ge A boletše le ren a tseleng?” Ka gore re e kgopela Leineng la Jesu. Amene.

Le ka dula.

¹⁴ E sego go—go rera goba go tšea nako ye ntši, eupša go no bea ka lenaneo feela dikgopoloo tše nnyane di se kae fa bjale pele re bitša mothalo wa thapelo. Ka go e ka ba metsotso ye masomepedi tlhano, ke a nagana, ke tla bitša mo—mo mothalo wa thapelo, go rapelela balwetši. Gomme bjale, bošegong bjo bongwe le bjo bongwe, Mna. Borders le bona ba tla be ba leka go le hlalosetša bjang, le ka fao le swarago phodišo, le go ya pele.

¹⁵ Gomme, elelwang, ga re fa go leka go no emela phodišo Kgethwa. Re mo go emela Jesu Kriste, gomme ka go Yena go phodišo. Gomme kgopolo ye nngwe le ye nngwe ya Modimo e ka go Yena. Gomme re . . . O rekile phološo ya ren a, phodišo ya ren a, le tšohle re nago le tšona. Gomme phodišo ke ye nnyane, gomme o ka se tsoge wa dira dikgolo ka bonnyane. Re tseba seo. Kafao re . . . Eupša re leka . . . Jesu o šomišitše e ka ba diphesente tše masomeseswai tshela tša bodiredi bja Gagwe di be di le godimo ga phodišo Kgethwa, gore A kgone go goga šedi ya batho, morago

a hlaloša se morero wa Gagwe o bego o le fao. Gomme, seo ke selo sa go swana, re leka go tšwetšapele bodiredi bja Gagwe ka tsela ye kaonekaone re tsebago bjang, go dumeleng gore O sa dutše a swana maabane, lehono, le go ya go ile.

¹⁶ Bjale, re tseba gore, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.” Kagona, Modimo le Lentšu la Gagwe ke selo sa go swana mong. Ke Modimo ka sebopego sa go ngwalwa. Ga o fete lentšu la gago. Modimo ga a fete Lentšu la Gagwe.

¹⁷ Kafao mokete wo mogolo wo woo re o batamelago fa bjale ka go sehla se, se sa Lenten, bjalo ka ge ba se bitša, le go batamela Labohlano le Lebotse, gomme—gomme morago Lamorena la Paseka, beke go Lamorena la Paseka, ke a dumela. Kafao re batamela ye. Ke naganne ke tla bala Lengwalo le, gore Bagerike ba ba dipelo tša go swarwa ke tlala ba tla godimo go rapela monyanyeng wa Paseka. Gomme ba be ba tseba gannyane gore yeo e be e le Kwana ya Paseka, Kriste o be a swanetše go ba.

¹⁸ Eupša dipelo tša bona di be di swerwe ke tlala. Ba be ba nyaka go Mmona. Ba be ba kwele bontši kudu ka ga Gagwe, le go tseba gore dilo tše kgolo ba di kwelego tšela A di dirilego. Gomme kafao ntle le go kamaka, go tla moketeng woo, ba swanetše go be ba badile kudu ka Lengwalong la se A bego a le sona, le tlhago ya Gagwe—ya Gagwe, le seo A bego a tla se dira ge A etla. Ka fao ba be ba nyaka go bona.

¹⁹ Ba tlide go barutiwa ba Gagwe, gomme ba filwe monyetla go Mmona, ka—ka thatobotse le bodiredi bja barutiwa ba Gagwe. Ba tlisitšwe ka Bogeneng bja Gagwe, ke bahlanka ba Gagwe.

²⁰ Gomme bjale ge Bahebereg 13:8 e bolela, gore, “Jesu Kriste o a swana maabane, lehono, le go ya go ile,” gomme ke na le nnete gore mo ka—ka . . . ka Baton Rouge, gore re nno swarwa ke tlala go bona Jesu bjalo ka ge ba be ba le go Mmona nako yela. Ke . . . Motho yo mongwe le yo mongwe yoo a lego ka monaganong wa gagwe wa maleba, gomme a kwa ka Morena Jesu, o hlologelwa go Mmona.

²¹ Oo, ge la mathomo ke kwele ka ga Gagwe, ge ke be ke le mošemané, ke—ke—ke be ke no se kgone le go e kgotlelela. Ke naganne, “Ge A le Modimo, ka mehla O—O be a le Modimo, ka mehla O—O tla ba Modimo.”

²² Kafao go leka go e beela thoko ka go nako ye nngwe ye kgolo mo go fetilego, goba—goba nako ye nngwe ye kgolo yeo e tlago pele, yeo e no ba tlhago ya motho. Motho ka mehla o reta Modimo go se A se dirilego, a lebeletše pele go se A yago go se dira, gomme a hlokomologa se A se dirago. Yeo e no ba tlhago ya motho. Ka mehla go bile ka tsela yeo, gomme go sa dutše ka tsela yeo, bošegong bjo.

²³ Eupša, bjale, Bagerike ba ba be ba nyaka go Mmona, gomme re nyaka go Mmona. Gabotse, bjale, ge A tsogile go tšwa bahung, gomme e sego . . . Yena ga se a hwa. O a phela. Gomme ge A phela, bjalo ka ge Lengwalo le tleleima gore O gona, gona ke ka baka la eng re sa kgone go Mmona? Re na le tokelo ya go kgopela. Elelwang, O rile, “Lebakana le lennyane efela gomme lefase ga le sa Mpona gape. Efela, lena le tla Mpona, gobane Ke tla ba le lena, ebile ka go lena, go fihla bofelong bja lefase. Lefase le ka se Mpone, eupša lena le tla Mpona.” Gomme bjale ge A swana maabane, lehono, le go ya go ile, gona gobaneng re sa kgone go Mmona?

²⁴ Bjale ge nka ya go dikgopololo tša go fapano tšeо re bilego le tšona. Gomme elelwang gore Modimo ga a ke a dira eng kapa eng ka ntle ga se A tshepišitšego go se dira. Le a bona, ka mehla O dira tshepišo, ka gona O tla go E phethagatša.

²⁵ Modimo, mo mathomong, a tseba bofelo go tloga mathomo- . . . mathomong, gobane O be a le mohlokamagomo. Bohle re tseba seo. Ke motlalagohle, mokgonatšohle, le mohlokamagomo. Bjale, ge A le mohlokamagomo, gona O tsebile dilo tšohle, gomme bjale . . . le motsebatšohle.

²⁶ Kafao hlokomelang, gona, O abetše Mangwalo a Gagwe go theoga go kgabola mabaka a a tlago. Gomme ka gona ge lebaka le le tokologa go dikologa, gobaneng, ka mehla re leka go—go ba le dilo di nagantšitšwe ntle ka tsela ye re naganago ke nnete, eupša ka mehla . . . Ge Modimo a dirile tshepišo ya lebaka leo, tsela ya Gagwe ya setlwaeedi ya go dira e ka ba eng, gomme ga a tsoge a fetoga go e dira.

²⁷ Elelwang, Modimo ga a tsoge a fetoga, ga a tsoge a fetola ditsela tša Gagwe. Gobane ke ka lebaka leo re ka beago tumelo ya rena ka kgonthe ka go se Modimo a se boletsēgo go ba Therešo, Beibebe. Bjale o swanetše go Bea Modimo felotsoko.

²⁸ Bjale, ge Modimo a be a eya go ahlola lefase, gomme ke Yena. Ge re ka re, ge nka re go Katoliki ya Fora, “O nagana gore O tla le ahlola ka eng?” “Kereke ya Katoliki ya Fora.” Katoliki ya Roma e dumela gore O tla le ahlola ka kereke yeo. Orthodox, Katoliki ya Orthodox ya Gerika, ke a dumela gore O tla ahlola ka yeo. Methodist e be e tla re, “Kereke ya rena.” Baptist, “Kereke ya rena.” “Pentecostal!” Le a bona, go be go tla gakantšha kudu, go fihla motho a be a ka se tsebe a dire eng.

²⁹ Eupša O rile O tla ahlola lefase ka Jesu Kriste, gomme Jesu Kriste ke Lentšu, kafao O tla ahlola lefase ka Lentšu. Bjale, Beibebe ke kutollo yohle ya Jesu Kriste. Ye ke kutollo. Ga se gona se swanetše go oketšwa go Yona goba go tšewa go tšwa go Yona. Wa go swana go tla tšewa, karolo ya rena, go tšwa Pukung ya Bophelo, ge re oketša goba re fokotša go tšwa go Yona. Leo ke Lentšu la Modimo, gomme re a Le dumela.

³⁰ Bjale, moloko wo mongwe le wo mongwe, ge kereke ka mehla e Le dira le hlakahlakane kudu le se sengwe le se sengwe, go fihla, ge nako e etla go Lentšu go phethagatšwa, ba lebeletše morago go moloko tsoko wo mongwe moragorago, se se diregilego moragorago letšatši le lengwe, gomme ba foša go bona se se diregilego ka letšatšing leo.

³¹ Bjale go lena batho ba Katoliki, ka fao le fošitšego bakgethwa bale. Go reng ka Joan wa Arc, mo—mo Mofora? Nka no phagamiša seo, ka lebaka la lefelo la Fora. Le a elelwa, moprista o mo tšhumile koteng, bjalo ka moloi. “O be a le moloi,” ka baka la gore mosetsana e be e le wa semoya. O bone dipono, le go ya pele, gomme o mo tšhumile bakeng sa moloi. Ka gona, morago ga lebakana, ge le bone phošo ya lena, le epolotše mebele ya baprista bale gomme la e lahlela ka nokeng, bakeng sa boitsholo. Eupša, le a bona, e šetše e fetile.

³² Gomme yeo ke tsela ka mehla go lego. E a re feta gomme ga re e bone.

³³ Ebile le go barutiwa, Jesu o rile, nako ye nngwe a bolela le bona. Ba rile, “Gobaneng ba—ba bamangwalo ba boletše gore Eliase o swanetše go tla pele?”

³⁴ O rile, “O šetše a tlide, gomme ga se le mo tsebe.” Gomme ba kwešištše e be e le Johane Mokolobetsi. Ebile le barutiwa bale, segalontšu sela ka lešokeng, gomme Maleaki 3 e phethagaditšwe, gobaneng, e fetile thwi kgauswi le bona gomme ebile ga se ba ke ba e kwešiša le gatee. Le a bona?

³⁵ Gomme go a kgonega gore re ka E dumelela go feta thwi godimo ga rena, le go šitwa go E bona. Tsela ya Modimo ka mehla e . . .

³⁶ Bjale ge e ka tla ka tshepedišo yohle, goba mokgatlo tsoko wo o itšego, boka Protestant, Methodist, Baptist, Mapenteccostal, goba tše dingwe tša dikerekemaina tša bona di tla e tšweletšago, ba tla e dumela. Gabotse, gona, ba bangwe ba ka se be le selo go dira le yona.

³⁷ Kafao Modimo ga a tsoge a dirišana, ka dinakong boka tše, le mokgatlo e ka ba ofe. Ga se A ke a dira. Ka mehla O ſoma le motho ka motho, motho yo motee, wena, feela motho yo motee yola. Ke wena, gare ga gago le Modimo, e sego gare ga mokgatlo wa gago le Modimo; gare ga gago, bjalo ka motho ka motho. Modimo ka mehla o e dira ka tsela yeo, ka mehla o dirile.

³⁸ Gomme bjale Beibele e rile, “Yena ga a dire selo ntle le ge A se utolla go baprofeta ba Gagwe, bahlanka ba Gagwe baprofeta.” Gomme ka mehla, bontši boka ka nakong ya Eliya, le nako ya Moshe, le dinako tšohle tšela tša go fapano, O tla e utolla.

³⁹ Bjale go be go ngwadilwe ka Lengwalong gore . . . Modimo o be a eya go ba fa leswao la godimodimo, leswao le legolo, leswao la neng le neng, “kgarebe e be e eya go ima.” Gomme ka gona go

be go eya go ba yo Motee a tswetšwego, Ngwana, re Mo tsebile ka go beng Mesia. Mangwalo ohle, tsela yohle go tloga go Genesi, go ya godimo, a be a kgokagane le go tla ga Mesia.

⁴⁰ Baprofeta ba be ba le karolo ya Lentšu. Jesu o rile ba be ba bitšwa ‘bomodimo.’ Gomme ba be ba le, ge feela Lentšu la Modimo le tlišitšwe go bona. O rile, “Le ka Nkahlola bjang ge Ke re Ke nna Morwa wa Modimo? Gomme—gomme, lena, bao... Go ngwadilwe ka molaong wa lena, ‘bao Lentšu la Morena le tloga go bona,’ le ba biditše ‘bomodimo.’” Le a bona, le... E be e se baprofeta; e be e le Lentšu la Modimo. Gomme ke selo sa go swana bjale. Gomme e be e le Jesu, selo sa go swana, Lentšu la Modimo le dirilwe go bonagala. Gomme leo ka mehla ke Seetša sa iri.

⁴¹ Bjale ge re lebeletše go dikologa, bošegong bjo, gomme re tla ya morago go tše dingwe tša dikereke tše kgolo tše, tsela yohle go theoga go kgabola lebaka, le go re “ye ke yona, ye ke yona,” ge le sa šetše, re tla be re sepela ka leutung sebakeng sa Seetša. Re lebeletše se sengwe seo se fetilego, mengwaga ya go feta, re lebeletše morago.

⁴² Monna mang kapa mang yo a otlelago tseleng, a lebeletše ka seipone sa morago, o tla tlhekgemana. Yeo ke nnete. Yeo ke nnete. O tsea go swana le ba bangwe ba dikgaetšedi tša rena ba leka, masometlhano a mengwaga ka bokgale, ba leka go lebega lesometshela. Le a bona, o lebeletše morago.

⁴³ Lebelela pele! Lebelela fao o yago. Lebelela fao o yago, e sego seo o tšwago go sona. Paulo o rile, “Go lebala dilo tšela tše di fetilego, ke phegelela go ya marakeng wa pitšo ya godimo ka go Kriste.” O swanetše ka mehla go lebelela mo o yago, e sego mo o bego o le gona.

⁴⁴ Ge o ka hlokomela seipone sa morago, ka pela o tla tlhekgemana. Bjoo e bile bothata. Ke ka baka leo Luther a tlhekgemaneego ge seetša sa Wesley se etla pele. Ke ka lebaka leo Wesley a tlhekgemaneego—a tlhakgemanego ge Mapentecostal ba etla pele. Gomme ge re sa šetše, Mapentecostal ba ya go tlhekgemana, le bona, ge ba no se tšwelepele ba ntšhitše mahlo dinameng, go hlokomela. Le a bona, ka mehla le lebelela morago, go šupa go se yo mongwe gape a se dirilego morago kua. Mola re...

⁴⁵ Mola, re laetšwe go lebelela pele, go tšwelapele go ya pele. Seprefoto sa bona—sa bona se diregile ka matšatšing a bona, se se direga ka letšatšing le, gomme sa go latela se direga ka go letšatši la go latela. Se abetšwe ntle, go nako ya bofelo. Gomme go ne dilo tše di swanetšeego go be di kgatlampana bjale, go ya ka Lengwalo, Moya wo Mokgethwa lefaseng, o tšholletšwe godimo ga batho.

⁴⁶ Bjale, ge Jesu a etla, bale ba mangwalo le go ya pele ba bego ba swanetše go Mo lemoga, eupša ga se ba ke, gobane ba be ba

tsemilwe kudu ka go metlwae ya bona. Bafarisei, Basadutsei, Baherodian, e ka ba eng gape, ba be ba le ka go motlwae wola, ba tletše kudu, go fihla sona seprofeto sa Kriste ka Boyena, seo A bego a swanetše go ba sona, ba šitilwe go se bona. O rile go bona, o rile, "Puruputšang Mangwalo, ka gore ka go Wona le nagana le na le Bophelo bjo Bosafelego, Gomme ke Wona A pakago ka Nna."

Ba rile, "Re barutiwa ba Moshe."

⁴⁷ O rile, "Ge nkabe le be le le barutiwa ba Moshe, nkabe le Ntseba, ka gore Moshe o ngwadile ka Nna. 'Morena Modimo wa lena o tla tsoša Moprefeta wa go swana le nna.'"

⁴⁸ Ba teleimile go ba, eupša ba be ba se, gobane ba be ba tletše ka motlwae. Bjale, ke ka fao ba fošitšego go Mmona mo letšatšing lela ba phetšego ka go lona. Bjale, seo se ka bušeletša, le a tseba. Ka mehla se dirile, gomme se ka bušeletša gape.

⁴⁹ Bjale a re nong go ya morago metsotso e se mekae. Gomme tsela e nnoši re ka kgonago go hwetša se A lego sona . . .

⁵⁰ Bjale, lehono, ge re tsea motho wa mehleng, se Kriste a swanetšego go ba, re . . . Ba bangwe ba bona ba Mo swantšha bjalo ka sa histori, selo se segolo. Ba bangwe ba Mo tliša fase go feela monna wa mehleng. Gomme ba bangwe ba Mo tliša go rafilosofi, baprofeta, goba—goba se sengwe, sengwe boka seo, monna wa go loka, morutiši.

⁵¹ Eupša Yena, e ka ba eng A bilego, O sa le, go ya ka Lengwalo. Le a bona? Bjale ge re ile tlase toropong, go Mo hwetša, le go ya—go ya go lebelela tikologong, go bona ge eba . . . Bjale, elelwang, tshepišo ya Gagwe ke gore O tla ba le rena.

⁵² Bjale ge re ile go hwetša monna yo a itšego ka . . . re tla re . . . ke tla re, mohlomongwe, "A le kgato tše tshela botelele." Gomme o tla re, "Aowa, e tla ba šupa le seripa." Yo mongwe o re, "Aowa, o be a le feela kgato tše nne; o be a le moisa yo monnyane." Le a bona, re tla be re hlakahlakane bohle.

⁵³ Gabotse, ba tla re, "Mohlomongwe O tla ba le mabadi a dipikiri seatleng sa Gagwe." Moikaketši e ka ba mang a ka ba le mabadi a dipikiri seatleng sa bona, le mengwapo ya meetlwa. Gomme, morago ga tšohle, Jesu o dutše ka seatleng se setona sa Bogoši Godimo. Eupša re tla tsoge ra tseba bjang O be a le Mang?

⁵⁴ Ba be ba sa Mo tsebe nako yeo ka baka la seaparo sa Gagwe. Gobane, O sepetše thwi magareng ga batho, ebole ka morago ga tsogo ya Gagwe, le bona O be a tla sepela le bona, gomme go le bjalo ga se ba Mo tseba. Le a bona? E be e se seaparo sa Gagwe. O be a nno apara boka e ka ba mang gape. E be e se seaparo sa Gagwe. E be e se mokgwa wa Gagwe. E be e se mokgatlo wa Gagwe. E be e se karata ya Gagwe ya kopanelo yeo A e swerego, gobane ga se A be le e tee. Gabotse, ga se A dumelane le yona, kafao e be e se seo.

Ba rile, “Ga re tsebe moo A tšwago.”

⁵⁵ Gomme monna wa sefolo o rile, “Seo ke selo sa go tlaba. O moetapele wa lehono, gomme O butše mahlo a ka, gomme efela ebole ga o tsebe mo A tšwago.” O bile le thutamodimo tsoko ye botse ya gagwe mong. Le a bona? O rile, “Ga le tsebe se Monna yo a se dirilego, dilo tše A di dirilego, gomme efela le swanetše go ba baetapele ba letšatši.” Bjale . . . Eupša karolo ya go nyamiša, ka bona, mahlo a bona a be a foufaditšwe. E be e swanetše go ba ka tsela yeo.

⁵⁶ A le be le tseba gore kereke e be e swanetše go ba, ka letšatsing la mafelelo, le yona? “Hlogothata, monagano wa godimo, barati ba maipshino go feta barati ba Modimo, ba na le sebopego sa bomodimo gomme ba gana Maatla a bjona. Go tšwa . . .” Seo ke seprofeto se se swanago, selo se se swanago. Ka kgontha ke yona. Ka go Lebaka la Kereke ya Laodikia, Jesu o be a le ka ntle ga kereke, a leka go tsena morago ka gare, a kokota lebating. Lebaka le nnoši A kilego a bewa ka ntle ga kereke, ke ka go Lebaka la Laodikia leo bjale re phelago. Kafao re a bona re thwi morago gape moo re thomilego.

⁵⁷ Bjale, tsela e nnoši ya therešo go hwetša se A bego a le sona, goba se A lego sona, ke go hwetša se A bego a le sona, bjale, gobane O tla swana. Bjale a re nong go ya morago le go gogela godimo dilo di se kae tše A di dirilego. Bohle re tseba tswalo ya Gagwe ya kgarebe, gomme re ka se thome ka yeo.

⁵⁸ Eupša ke badile go tšwa go Mokgethwa Johane. A re yeng morago go Mokgethwa Johane, tema ya 1, gomme re no hwetša se A bego a le sona, gomme ka gona re kgona go kwešiša se A—se A lego sona bjale. E ka ba eng A bilego nako yeo, ke Yena selo sa go swana bjale. Go lokile. Bjale re hwetša fa, mo mathomong, O be a le Lentšu. “Mo mathomong go be go le Lentšu.” Gona O sa le Lentšu. Le a bona? Le a bona? Uh-huh. “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.” Go lokile.

⁵⁹ Ka gona, seo ke se A bego a le sona nako yeo, O be a le tshepišo ye e hlatsatšwego ya Modimo ya lebaka leo. Seo se Mo dirile Lentšu. A yeo ke nnete? Gabotse, O tla ba selo sa go swana lehono, Lentšu gape. Le a bona? Gomme O—O—O—O ba boditše go lebelala seo. Seo ke se A bego a le sona. O be a le Lentšu. Lentšu le dirilwe nama. Seo ke se A bego a le sona. Bjale, ge A bile Lentšu, gomme Modimo o tlide fase ka sebopego sa Moya wo Mokgethwa, ka sebopego sa leeba, gomme a ya godimo ga Gagwe, gomme a re, “Yo ke Morwa moratwa wa Ka, Yoo Ke kgahlwago ke go dula ka go yena.”

⁶⁰ Ka gona re hwetša, bodiredi bja Gagwe bo thomile, dithapelo go balwetši, phodišo. Yo mongwe le yo mongwe o Mo ratile. O be a lokile, a tsebega bjalo ka Moisa yo mokaone. Gomme

morago, ge ka go bodiredi bja Gagwe bja mathomo, se se Mo tsebagaditše . . .

⁶¹ Elelwang, Bajuda ka mehla ba dumetše go phodišo Kgethwa. Ba be ba na le mogobe kgorong mo, wa Betsaida, Bethesada, kgorong, kgoro ye botse. Batho ba be ba letše kua, mašabašaba a—a batho ba go se kgone bao e bego e le dihlotsa, digole, difofu, le go ya ka meetseng bakeng sa phodišo.

⁶² Modimo ka mehla o direle tsela bakeng sa phodišo, kafao phodišo ya Gagwe e be e se tlwa se se gogetšego šedi ya bona go Yena. Go bile le se sengwe gape seo se gogilego šedi ya gagwe go fetiša.

⁶³ Bjale re hwetše gore ge . . . se A bego a swanetše go ba sona, Moshe o be a boletše se A bego a tla ba sona, gomme baprofeta bohole ba boletše ka Yena, bjale O swanetše go tsebagatšwa ka seo.

⁶⁴ Bjale sese se A lego, Lentšu. Bjale, Bahebere, tema ya 4, e bolela gore, "Lentšu la Modimo ke le maatla kudu go feta tšoša ya magalemabedi. Ke, le ripa go fihla mokong wa lerapo, gomme ke mohlathi wa dikgopoloka pelong." Seo ke se Lentšu le lego sona.

⁶⁵ Bjale, le a bona, ge Lentšu le etla go baprofeta, ba tsebagaditswe ke seprofeto sa bona. Modimo o rile, "Ge go na le yo mongwe magareng ga lena, yo e lego wa semoya goba moprofeta, Nna Morena ke tla bolela le yena ka dipono, le go . . . le go mo laetša ditoro, le go ya pele." Ka mantšu a mangwe, "go hlatholla ditoro," boka Josefa le bona ba dirile. Gomme tšeо e tla ba ditshwanelego tša gagwe. Gomme gona tšeо e be e le ditshwanelego tšeо a bilego le tšona, Lentšu le le šušumeditšwego, ka kutollo, le a bona, Lentšu le le bego le swanetše go phethagatšwa. Seprofeto sa gagwe se mo tsebagaditše bjalo ka moprofeta, "Gomme Lentšu le tla go moprofeta."

⁶⁶ Kafao ge Jesu a tlie go lefelotiragalo, Beibele e rile O be a swanetše go ba Moprofeta. Moshe o rile, "Morena Modimo wa lena o tla tsoša Moprofeta wa go swana le nna." Gomme Israele ka mehla e dumetše baprofeta ba bona, gobane yoo e be e le Modimo a itsebiša Yenamong ka go batho, ka mehla. Moithuti e ka ba mang wa Beibele o tseba seo. Yeo ke tsela ye A itsebagaditšego ka Boyena, o be a le ka go baprofeta ba Gagwe. Ba be ba no ba monna wa mehleng. Nnete, ba be ba tswaletšwe morero wola.

⁶⁷ Bjalo ka ge re tseba, go na le dimpho tša selegae, tša dimpho tše senyane ka kerekeng. Eupša go na le diofisi tša Kereke, gomme tšeо, Modimo, a di kgethetšegopele, goba a di beetšegopele, "Modimo o beile ka Kerekeng: baapostola, morago baprofeta, le barutiši, badiša, baebangedi," le go ya pele, tšeо ke dimpho tša Modimo di beilwego ka Kerekeng. Gona go ne

dimpho tše senyane tša semoya tše di šomago ka mmeleng wa selegae, le wa badumedi, gomme di swanetše go hlodišwa ke baahlodi ba babedi goba ba bararo pele di ka fiwa go kereke, gobane dinako tše dingwe di ka ba phošo.

⁶⁸ Eupša hlokamelang baprofeta ba, ge ba be ba tswalwa, boka ka go . . . ke a dumela, ka go Jeremia fa, Modimo o rile, “Pele ebile o ka ingwa ka popelong ya mmago, ke go beile moprofeta godimo ga ditšhaba.” Le a bona? Moshe o tswetšwe e le moprofeta. Gomme Johane Mokolobetsi, mengwaga ye makgološupa le lesomepedi pele a tswalwa, “o be a le segalonšu sa yo a goelelago ka lešokeng,” Jesaya moprofeta a bolela ka yena. Le a bona, ga se . . . Dimpho tše di tswalwa dimpho, Modimo o di bea ka Kerekeng.

⁶⁹ Gomme, bjale, gomme lebakeng la go tla ga mathomo ga Morena wa rena, go be go se moprofeta lefaseng lebaka la mengwaga ye makgolonne, Maleaki o be a le moprofeta wa mafelelo, gomme o boletše ka go tla ga Johane. Ka go tema ya 3 ya Mateo, e bego e tla ba Jesaya—Jesaya, moprofeta, o boletše ka yena. Gomme ka gona, gape, ka gona Maleaki o boletše gomme o rile Eliya o be a tla tšwelela go lefelotiragalo, yena a bego a bulela Kriste madibogo. “Ke roma motseta wa Ka pele ga sefahlego sa Ka, go lokiša tsela,” bjalo ka ge A boletše ka go Mateo 11, a tsebagatša Johane.

⁷⁰ Gomme selo sa go makatša bjale, ge Jesu a thoma go bolela, gomme o be a itsebiša Yenamong, a re šetšeng ka fao A dirilego seo bjale. Ge A se wa Lengwalo ka se A se dirilego, gona O be a se Mesia. O swanetše go tla go ya ka Lengwalo.

⁷¹ Bjale go bile le monna ka leina la Andrea, o be a tsenetše tsošeletšo ya Johane, Johane yola o rilego O be a etla. Yena ke . . . Johane o be a ne kgontha kudu ka go tla ga Gagwe, o rile, “O eme thwi magareng ga lena bjale,” gobane o tsebile gore o be a swanetše go bega Mesia yola.

⁷² Bjale, ga se a ke a tloga go ya seminaring, go ithuta se Mesia a bego a tla ba sona. O ile ka lešokeng, gomme o be a le ntle kua a nnoši, gomme a tla pele. Gobane, o be a . . . a se a swanela go ba wa go katišwa ke motho. O be a swanetše go katišwa ke Modimo. Gobane, bjale, tatagwe o be a le moprista, gomme e be e le setlwadi gore morwa o latetše ta—ta taba ya tate le go tsena sekolo ga gagwe, le go ya pele. Eupša taba ya Johane e be e le ye kgolo kudu, ye bohlokwa kudu.

⁷³ Gabotse, bontši bja bona batho, o rile, “Bjale, o tseba Ngwaneshu Semangmang fa, o kgotsofatša ma—ma maswanedi.”

⁷⁴ Eupša Johane o ile ntla ka lešokeng, gomme, go fihla, o be a na le Modimo go fihla ka kgontha a tsebile se leswao la Mesia le tla bago. Ge A etla, o rile, “Ga se ka Mo tseba, eupša Yo a rilego, ‘Godimo ga Yena yo o tla bonago Moya o theogela, le go dula, Ke Yena a yago go kolobetša ka Moya wo Mokgethwa le Mollo.’” Le

a bona? O tsebile gomme ka kgonthe o be a na le nnete gore yoo e be e le Yena.

⁷⁵ Bjale, Andrea o be a leka go hwetša ngwanabo, Simone. Ba be ba le batheadihlapi, gomme ba be ba leka go dira ngwanabo go tla kopanong.

⁷⁶ Bjale, ke badile kanegelo nako ye nngwe ya go feta ka bophelo bja bona. Ba be ba le badumedi ba bagolo lenaneong la Bafarisei. Gomme o bile le le—le... Tatagwe, leina la tate Jona, gomme o be a le—o be a le motheadihlapi yo mogolo, le yena. Gomme, makga a mantši, ba be ba tla swanelo go tshepa Modimo bakeng sa se ba swanetšego go se ja, hlapi ya bona, go lefa dikoloto, le—le go hwetša dijo. Gomme nna, ke bala letšatši le lengwe moo tate wa kgale a tšerego Simone le go mmea fase, gomme yena le Andrea, gomme o rile, “Bašemane, ka mehla ke dumetše gore ke be ke tla phela go bona Mesia yo a tlago, yoo re mo lebeletšego, mengwaga ye yohle. Gomme bjale, barwa, pele Mesia a etla, mohlomongwe ke tla—ke tla be ke sepetsé, gobane ke tšofetše. Eupša ga ke nyake lena bašemane go forwa. Bjale go tla ba le mehuta yohle ya dilo di tsoga pele A etla.”

⁷⁷ Ka mehla go swanetše go ba ka tsela yeo, le a tseba, mohuta wa go kokota go tloga go se—se—se selo sa kgonthe ge se fihila fale. Le a bona, Sathane ka mehla o ntle kua. Go no swana le pele Jesu a etla, ba rile go bile Bojesu ba bangwe ba tsogile gomme ba ntšheditše dihlopha ntle ka lešokeng, gomme ba hwile, le go ya pele.

⁷⁸ Eupša o rile, “Barwa, elelwang, Mesia yo o tla tsebagatšwa ka Mangwalo.” Oo, ka fao a swanetšego go ruta batho lehono! Le a bona? “Mesia o tla tsebagatšwa ka Lengwalo, gobane Moshe o rile Morena Modimo wa rena o tla tsoša Moprefeta wa go swana le yena. Gomme Moshe ke moetapele wa rena, gomme re lebeletše. Bjale, e bile makgolo a mengwaga, re be re se na le moprefeta, eupša Moshe o boletše gore yo Motee o be a etla. Gomme, ntle le go kamaka, gore makopano a mo ntle le moprefeta e bile go amanya gore ge E etla, O tla kgotsofatsa maswanedi a Moprefeta yola.” Bohle re tseba Lengwalo leo.

⁷⁹ Bjale re hwetša gore, moragwana, gore Jesu ga se a ke a laetša leswao le le itšego nako yeo. Letšatši le lengwe, Simone o tlie godimo ka Bogoneng bja Gagwe, feela go gononwa gannyane, mohlomongwe, ga bopaki bja Andrea, gobane o be a kwele sohle se ka ga monna yo wa lebelete se direga, go nweletša batho tlase nokeng, le ka dikolobetšo, le go ya pele. Gomme o be a ka se kgone go yela seo, gobane go be go le mehuta yohle ya dilo di feta go kgabola Palestina, ka nako yeo.

⁸⁰ Eupša, letšatši le lengwe, Simone o tlie ka Bogoneng bja Morena Jesu. Bjale a re šetšeng se A bego a le sona maabane, go peu yela e kgethilwego, Simone yola yo a bego a beetswe go lefelio le, peu yela. Yeo boka...

⁸¹ Mathomong, Modimo o be e bile a se Modimo. O be a le yo mogolo wa ka Gosafelego, gomme ka fao go be go le ditholanakgopololo. Ditholanakgopololo e be e le megopololo ya Gagwe. Gomme ka gona A ba Lentšu, ka mokgwa wo. Gomme lentšu le hlagišwa... Go lokile, mogopololo wo o hlagišitšwego, ke lentšu. Lentšu, le hlagišitšwe, ke mogopololo.

⁸² Gomme ka gona, elelwang, ge o kile wa ba ka monaganong wa Modimo, ka mehla o tla ba fao. Ge o na le Bophelo bjo Bosafelego, o tlhagišo, goba kgopololo, ya monaganano wa Gagwe ya lebaka le. Ge go se bjalo, wena... Go na le Bophelo bjo Bosafelego bjo botee feela, gomme ka mehla Bo gona. Gomme wena, ka monaganong wa Gagwe, o bile gona pele go eba lefase. Ke ka baka leo A rilego O go kgethile “pele ga motheo wa lefase.” Ga se se re se naganago, se yo mongwe gape a se naganago. Ke se Modimo, wa Gosafelego! Ka mehla le bile, le a bona, ka monaganong wa Gagwe.

⁸³ E be e le ka go Yena go ba motho, ke ka baka leo Kriste a bego a le seswantšho se se hlagišitšwego. Le a bona? Bjale, O be a swanetše go ba Tate, O be a swanetše go ba Morwa, O be a swanetše go ba Mophološi, O be a swanetše go ba Mofodiši. Go go se selo, go be go se le ge e ka ba Morongwa, goba selo. Morago, O hlotše Barongwa, nako yeo A ba Modimo, O be a rapelwa. Ka gona tše ke diponagalo tša go nagana ga Gagwe.

⁸⁴ Ga go selo sa phošo. Se sengwe le se sengwe se ya go tšwelela gabotse. O se ke wa tšhoga. Sešupanako se segolo sa Modimo se bethabetha thwi go bapa. E tla ba fale, E tla ba le Kereke e se nago sepatso le lengalatsepa. E be e le ka monaganong wa Gagwe. Selo sa yona ke, a ke ka Kua, a le ka Kua?

⁸⁵ Gomme O be a le fa, kgopololo ya Gosafelego ya Modimo, e hlagišitšwe ka go Bomorwa. Oo, nna! Go be go le Modimo, Imanuele, nako yeo. Hlokamelang, nako yeo, O be a le Lentšu. Bjale fa...

⁸⁶ A ke le thiba ditsebe? Ga ke re go goeletša go lena. Dinako tše dingwe re bolela ka go lefelo le legolo le ka ntle, gomme ga ke re go ba go hlahlawetša kudu. Bjale a nke... E ka ba mang yo a e laolago, mohuta wa go e ripa bakeng sa ka, ge ba ka dira, ge e kwagala go hlahlawetša kudu.

⁸⁷ Bjale hlokamelang, ka go se, ge Jesu a tlide, mo go tla Simone godimo, a sepelela godimo pele ga Gagwe. Gomme ka pela ge Jesu a beile mahlo a Gagwe godimo ga gagwe, O rile, “Leina la gago ke Simone, gomme o morwa wa Jona.”

⁸⁸ Oo, a seo se beile pelo ya motheadihlapi yola e tuka! O be ebile a sa kgone go ngwala leina la gagwe mong, o be a se ne thuto, eupša o tsebile leo e be e le Lentšu gobane le hlathile dikgopololo tše di bego di le ka pelong ya gagwe. Go be go le Mesia. Le ge Beibele e rile o be a sa tsebe bobedi le go se rutege, eupša o bile hlogo ya kereke ka Jerusalema.

⁸⁹ O wetše fase maotong a Gagwe, o tsebile gore seo e be e le. Ga se A tseba feelsa gore o be a le mang, O tsebile tate yola wa go tšofala wa bomodimo wa gagwe, yo a ilego pele. Le a bona? Seo se laeditše gore O be a le Lentšu. Lentšu le hlatha dikgopololo tše di lego ka dipelong tša bona. Seo ke tlwa se. Jesu o ile a lebelela godimo ga bona gomme a bona dikgopololo tša bona. Le a bona? Gomme, yeo, Beibele e boletše gore, “Lentšu la Modimo ke mohlathi wa dikgopololo le maikemišetšo a pelo.”

⁹⁰ Seo se Mo dirile Lentšu, nako yeo, yola Mong Moprefeta, Modimo Moprefeta yola, go feta moprefeta; Yena, baprofeta bohole ba be ba le, hlakanya le Modimo ka moka. Le a bona? O be a le Imanuele, Modimo a emetšwe ka bottalo, ka go Morwa Kriste Jesu. Bjale re a hwetša, Modimo o be a le ka go Kriste, a boelanya lefase go Yenamong.

⁹¹ Bjale, ge re ka hlokomela, nako yeo Petro o ile a kgodišega gore tate yola wa go tšofala wa bomodimo wa gagwe o mo rutile, gomme bohlatse bja Lengwalo šebo gore yoo e be e le Mesia.

⁹² Yoo e be e le Yena maabane, ke Yena lehono. O be a ka itsebiša bjang ka Boyena gape?

⁹³ Bjale Yena ke . . . Yena ga se a itsebagatša Yenamong bjalo ka ngaka tsoko ye kgolo, Ph.D., LL. Le a bona? Yena ga se a ke a itsebagatša ka Boyena bjalo ka moprista yo mongwe. Lentšu la Modimo le ile la Mo tsebagatša. Lentšu le bolela ka Yena le Mo tsebagaditše. Le a bona? Ke ka mokgwa wo ba tsebilego eng, O be a le Mang.

⁹⁴ Bjale go be go le yo motee a eme kua, ka leina la Filipi. Gomme Filipi o be a ne dithuto tša Beibele, tša Lengwalo, ka disekrolo, le moisa a bitšwago Nathaniele. Gomme ge a bone se se direga, se nno bonega pelo ya gagwe bjalo go fihla a se sa kgona go se kgotlelela gape. O tsebile Selo se be se le fale. O be a no ba Monna wa mehleng, eupša ba tsebile gore yola e be e le Mesia.

⁹⁵ Kafao o kitimile go dikologa thaba, e be e ka ba dimaele tše lesometlhano, ge o ka ela moo A bego a rera, o swanetše go be a ile letšatši le lengwe le go tla morago la go latela. Gomme o ile go hwetša moisa yo, o be a na le go ithuta le yena, ka Lengwalong; wa go kgwahla kudu, monna wa go botega. O na le bona tikologong fa, monna yo a nago le, ba beago bophelo bja bona ka moka go ithuteng Lentšu. Kafao o be a ithutile Lentšu. Gomme Filipi o ile go mo hwetša, gomme mohlomongwe o kokotile lebating. Gomme—gomme—gomme mosadimogatša wa Nathaniele o rile, “Gobaneng, o no sepela go kgabola serapa sa mohlware fale.” O bjala mehlware.

⁹⁶ Kafao o ile, a kitimela ka morago go mmona, gomme o mo hweditše matolong a gagwe, ka tlase ga wo mongwe wa mehlare, a rapela. Bjale mokgomana wa Mokriste ka mehla o a fa, o bontšha mabobo, kafao o—o letile go fihla a feditše go rapela.

⁹⁷ O rile, “Etla, bona Yo re mo hweditšego, Jesu wa Nasaretha, morwa wa Josefa.”

⁹⁸ Gomme ka gona yo wa go kgwahla, Mohebere yo mokaone, a bitšwago Nathaniele, o rile, “Bjale ema motsotso, Filipi. A—a o ile thoko ka lehlakoreng la go teba? Bjale a go ka kgona . . . O boletše kae? O rile Leina la Monna yo e be e le mang?”

“Jesu wa Nasaretha.”

⁹⁹ O rile, “Bjale a go ka ba le selo e ka ba sefe se sebotse go tšwa Nasaretha?”

¹⁰⁰ Gomme ke nagana Filipi o mo fa karabo ye kaonekaone yeo motho e ka ba mang a ka kgonago go e fa yo mongwe. O rile, “Etla gomme o bone.”

¹⁰¹ O se dule gae gomme wa swaswalatša. Etla, hwetša. Phetla Lengwalo. Etla gomme o bone!

¹⁰² Gabotse, mohlomongwe, go bapela le tsela, o thoma go mmotša. O rile, “Bjale, o a tseba, re a tseba—re a tseba, go tšwa Lengwalong, gore Mesia yo o ya go ba moprofeta, gobane Moshe o rile O be a le. Gomme Monna yo . . . O elelwa motheadihlapi wa kgale yo a bego a sa kgone go saena leina la gagwe go rasiti, ge o rekile hlapi?”

“Ee.”

¹⁰³ “Gabotse, O mmoditše o be a le mang.” Oo, ke eleletša Filipi a re . . .

“Bjale ema motsotso,” goba, Nathaniele, “Ke—ke swanetše go bona seo, pele.”

¹⁰⁴ Ge mafelelong a fihlile mo A bego a le gona, o tlide godimo le Filipi. Filipi o mo tlišitše godimo feela boka yo mongwe a go tlišitše, o tlide godimo ka Bogoneng bja Gagwe, go kopano moo Jesu a bego a rera. Gomme o lebeletše godimo ga Gagwe, O be a no ba Monna wa mehleng, a apere boka motho e ka ba mang yo mongwe. Ga se A lebega phapano e ka ba efe. Gomme Yena ga se a goga mehlatloša. Yena ka mehla o no ba motho feela.

¹⁰⁵ Gomme O boletše nako ye nngwe ka dithai go bona, gore ba be ba sa kgone go e kwešiša; ebile le barutiwa ba Gagwe. Seo ga se se šitiše tumelo ya bona. Le a bona, ba Mo dumetše.

¹⁰⁶ Hlokamelang, nako ye nngwe, lešaba le legolo le be le kgobokane go Mo dikologa, dikete. “O be a le Moisa yo mogolo! Oo, Moprofeta yo wa Galelia, Moisa yo mogolo!” O ile go kereke ye nngwe le ye nngwe. Yo mongwe le yo mongwe o Mo nyakile. Eupša letšatši le lengwe, O thomile go rera Thuto go bona, gomme nako yeo seo se fetotše selo nthathana gannyane, le a bona. O be a sa tsebalege kudu go tloga nako yeo go ya pele, le a bona. Eupša leswao le be le felegetša Segalontšu.

¹⁰⁷ Bjale re hwetša, gore ge Filipi a etla godimo moo A bego a le gona, gomme yena le Nathaniele, Jesu o retologile le go lebelela

godimo ga Nathaniele, gomme o rile, “Bonang Moisraele yo ka go yena go sego bomenetša.”

¹⁰⁸ Bjale le re, “Mohlomongwe ka tsela ye a aperego.” Bohle ba apere go swana. Le a bona?

“Gomme Moisraele yo ka go yena go sego bomenetša.”

¹⁰⁹ Bjale seo, go nyakile, go mo tšoša gampe kudu o be a sa tsebe a dire eng. O rile, “Rabi, ke neng O kilego wa ntseba? Gobaneng, Wena ga se nke wa ke wa mpona. Le ke lekga la rena la mathomo re kilego ra kopana. Gomme ba mpotša gore O be o dula tlase kua ka Bethania, gomme—gomme O ntsebile bjang—bjang?”

¹¹⁰ Gabotse, o naganne, ge Mesia a etla, gore—gore, “Modimo o tla tšea mohuta tsoko wa lelere le go le goga, gomme mekgoba ya Legodimo e be e tla wela fase godimo ga . . . godimo ga dikgato tša kerekeliya ya bona ye kgolo ntle kua, le go re, ‘Kayafa, Ke romela Mesia wa Ka tlase go wena bjale.’ O tla re, ‘Ke gorogile.’ Gomme Barongwa ba be ba tla tla, ba re, ‘Yo ke Yena.’”

¹¹¹ Le a bona, ke ka baka leo A e dirago. Ka gona e ya thwi bokagodimo ga hlogo ya bona batho, ba ba robetšego, gomme ga ba tsoge ba tseba se se diregilego. Le a bona? Hlokamelang, O be a le fale. O be a eme fale.

O rile, “O ntsebile neng, Rabi?”

¹¹² O rile, “Pele Filipi a go bitša, ge o be o le ka tlase ga mohlare, Ke go bone.” Oo, nna! A mahlo!

¹¹³ O a go bona bjale. O a go tseba bjale. O no swana, maabane, lehono, le go ya go ile.

¹¹⁴ A mahlo! Dimaele tše lesometlhano, letšatši pele, go dikologa dithaba, “Ke go bone ge o be o le ka tlase ga mohlare.”

¹¹⁵ O dirile eng? O kitimetše godimo gomme a wela fase, gomme a re, “Wena o . . . Rabi, Wena o Kgoši ya Israele! Wena o Morwa wa Modimo!” O e dumetše. Gobaneng? O be a tsebagaditšwe ka go tsenelela gore O be a le Lentšu. Gobane O kgonne go lhatha dikgopololo tše di bego di le ka pelong. Ya. O be a le fale, a eme fale.

¹¹⁶ Bjale go be go le bao ba emego kgauswi, ba ba bego ba sa dumele seo. Aowa. Ba bantši ba bona ga se ba ke ba e dumela. Go be go le ba bangwe ba baprista le dilo ba eme kgauswi, ba rile, “Monna yo ke Beletsebubu.” Ba . . . Se—se—se selo se dirilwe, Lengwalo le ile la tsebagatšwa, gomme ka gona ba—ba—ba baruti ba letšatši leo ba ile ba swanela go fa karabo go phuthego ya bona. Gomme ga se ba kgone go e araba ka—ka tsela ye nngwe, eupša e no ba gore ke Yena goba ga se Yena, kafao ba rile, “Monna yo o dira se ka Beletsebubu.” Ka mantšu a mangwe, “Ke mmolelelamahlatse, moya wo mobe.” Mang kapa mang o a tseba gore mmolelelamahlatse ke diabolo. Kafao o rile, “Monna yo o dira bobe bjo ka Beletsebubu.”

¹¹⁷ Gomme Jesu o rile, “Bjale, Ke tla le lebalela bakeng sa seo.” Sehlabelo se be se se sa be sa dirwa, poelano e be e sešo ya dirwa. “Eupša,” O rile, “ge Moya wo Mokgethwa o tlide, go e dira, lentšu le tee kgahlanong le Wona le ka se tsoge la lebalelwa, ka go lefase le goba lefase le le tlago.” Kafao le bona moo e re lahlelagao lehono.

¹¹⁸ Bjale, se e be e le selo ka nnete, gomme, eupša Filipi le Nathaniele ba dumetše ka pelo ya bona yohle. Bjale yeo e be e le tsela ye Jesu a itsebagaditšego ka Boyena, maabane, bjalo ka go ba Mesia. Bjale, bohole re a tseba... Feela metsotso e se mekae bjale.

¹¹⁹ Bohle re a tseba gore go na le feela merafo ye meraro ya batho ka lefaseng, gomme bao ke barwa ba Noage, Hama, Seme, le—le Jafeta; le a bona, gomme yoo ke Mojuda, Montle, le Mosamaria. Bjale rena, bjalo ka Bantle, re be re le bahetene, Baroma le e ka ba eng gape, ka go wona matšatši, Maanglo-Saxon, gomme re be re rapela medingwana. Eupša Bajuda ba be ba lebeletše Mesia. Gomme Basamaria ba be ba lebeletše me—me—me Mesia.

¹²⁰ Bjale, Jesu o rile, ge A be a le tseleng ya Gagwe go theogela Jeriko, thwi tlase ka tlase ga thaba go tšwa Jerusalema, “Ke na le tlhogego go ya go feta ka Samaria.” Ka fao A ya godimo kua, ka Samaria, gomme a dula fase kgorong, sedibeng. Fao go... Go sa no swana le ka fao go bego go le ka gona nako yela. Ga se ba fetoga le ga nnyane. Go na le ponagalo ya kgale ya mabonwa ka mokgwa wo fa, gomme merara e mela ka lebotong la leswika. Gomme—gomme O nno dula fase, le go romela barutiwa ba Gagwe ka go toropokgolo ye nnyane ye, e bitšwago Sikara, go hwetša dijo tsoko, dijo.

¹²¹ Gomme ge ba sa ile, mosadi wa tumo ye mpe... Mohlomongwe, bjalo ka ge ke boletsé, mohumagadi yo moswa a ka no ba a retolletswe mokgotheng go tloga, e sego go seleka ga baswa, mohlomongwe go seleka ga motswadi. Ba mo ntšeditše ntle mokgotheng, gomme mohlomongwe mosadi yo moswa wa go bogega bokaone, gomme o be a dirile bobe.

¹²² Gomme o tlide godimo kua go ga meetse a gagwe, gobane o be a sa kgone go tla le dikgarebe, ba be ba ka se ke... ba bakaone, ba go hlomphega basadi. Ba be ba ka se kgone go e dira. Ba be ba tla hwetša a bona pele. Morago—morago ka moka ga bona, bommategogwana le dilo, ba tla godimo mo mosegareng. Dikgarebe di hwetša a bona...

¹²³ Gabotse, ka fao ke ba bogetšego ba Bea ketlele ye kgolo yela ya dikalone tše tlhano godimo ga hlogo ya bona, legapa le legolo lela, gomme le letee godimo ga legetla le lengwe le le lengwe, gomme a sepela go bapela, a bolela, ka mo basadi ba kgonago, gomme a se tsoge a rothiša lerothi la ona. Ga ke tsebe ka fao ba e dirago, eupša ka kgontha ba a e dira.

¹²⁴ Eupša bona, go kgabola fale, gomme morago o tla go ga meetse a gagwe bakeng sa letšatši. Ka moka ga bona ba be ba ile; o swanetše go ba a bile e ka ba ka sekgalela. Gomme o tšere mekgoko gomme a e bea ka gare bakeng sa lenti, go le theošetša fase, go hwetša . . .

¹²⁵ Le a bona, go no ba mohuta wa go swana le legapa. Gomme le—gomme le na le mo—o mokgoko go le dikologa. Gomme ba bea dihuku tšela go dikologa mekgoko yela, gomme, go beng boima, ge le eya fase, le a phethoga. Gomme ba gelela meetse. Go no swana le dinako tše dingwe re e dirile mo ka dinageng tše, le go ya pele, eupša ba na le go swana le legopo le re le theošago.

¹²⁶ Bjale, re—re hwetša o thomile go theošetša moeta wo fase ka sedibeng, gomme a kwa yo mongwe, a re, “Mosadi, Ntlišetše seno.” Gomme o lebeletše tikologong, o bone Monna wa mengwaga ya magareng a dutše fale.

¹²⁷ O—O swanetše go be a be a lebega bogolwane gannyane go feta se A bego a le sona, gobane ka go Mokgethwa Johane 6 fa re hwetša, gore, bona mo moketeng, ba be ba bolela . . . O boletše se A—se A bego a le sona. Gomme ba rile, “Gabotse, O re O bone Abraham, gomme O Monna yo a sega ka godimo ga bogolo bja mengwaga ye masometlhano?” Le a bona, “e sega ka godimo,” le a bona, O swanetše go be a be a lebega masometlhano ge A be a no ba masometharo. O rile, “Wena, ga O ka godimo ga bogolo bja mengwaga ye masometlhano, gomme o re O bone Abraham?”

O rile, “Pele Abraham a be a ka ba gona, Ke gona.” Le a bona?

¹²⁸ Kafao gona re hwetša gore O swanetše go be a be a lebega go tšofala gannyane, a dutše godimo kgahlanong le lehlakore la leboto.

¹²⁹ Ga re tsebe feela se A bogegilego boka sona. Nka se tsebe. Ramenagano goba saekolotši e re thalela seswantšho, eupša Hofmann se tee, le Sallman, le e ka ba mang gape, eupša seo e no ba se ba naganago ka sona. Le a bona? Ga re tsebe feela se A bogegilego boka sona.

¹³⁰ Gomme O be a dutše fale, gomme morago O boletše se. Gomme bjale O retologile, mosadi go Yena, ka pela, gomme a Mo dira a tsebe, “Ye ke kgethologanyo.” O rile . . . “Bjale motsotsotso feela.” O rile, “Bjale, O Mojuda, gomme ke nna Sam—. . . mosadi wa Mosamaria, gomme ga re ne tirišano le rena seng.”

¹³¹ Gomme o rile, O rile, “Eupša ge nkabe o tsebile Yo o bego o bolela le yena, o be o tla Nkgopela seno. Ke tlisa, ke go fa Meetse ao o sa tlego go a ga.”

¹³² Gomme, poledišano, O be a dira eng? O be a leka go kgokagana le moyo wa gagwe bjale, le a bona, go bona se se bego se le ka go yena. Bjale Tate o be a Mo romile godimo kua, go no swana le ge ke dumela gore Tate o nthomile mo. Le a bona? Eupša

eng, ga ke tsebe. Le a bona? Eupša O be a le kua, gomme O be a bolela le yena.

¹³³ Gomme o rile, “Oo, O re, ‘Rapelang ka Jerusalema.’ Botatawešo ba rapetše thabeng ye,” le ka ga sediba, le go ya pele.

¹³⁴ O rile, “Nako e a tla, gomme bjale ke yona, gomme Modimo o nyaka bao ba rapelago ka Moya le Therešo.”

¹³⁵ Poledišano e ile pele go fihla A hweditše se bothata bja gagwe e bego e le bjona. Ke ba bakae ka phuthegong ya ka bošegong bjo, ba tsebago se bothata bja gagwe bo bilego? Kgonthe, o bile le bannabagatša ba bantši kudu. Kafao O rile... O rile, “Sepela o bitše monnamogatša wa gago gomme le tle fa.”

Gomme o rile, “Ga ke ne le ge e ka ba monnamogatša.”

¹³⁶ O rile, “O boletše therešo. O bile le ba bahlano, gomme yo o dulago le yena ga se wa gago.”

¹³⁷ Bjale šetšang. Lebelelang baprista bale ba hlahlilwego, ba šitwa go bona Lentšu lela le bonagatšwa. Ge A dirile seo pele ga baprista bao, ba rile, “Ke Beletsebubu.”

¹³⁸ Lebelelang mosadi yo ka go seemo sa gagwe, seemo se a bego a le ka go sona, mosadi wa tumo ye mpe, o bile le bannabagatša ba tshela, gomme šo o be a le ntle kua sedibeng. Gomme mosadi yola ka go seemo sela, lebelela, ka pela o rile, “Mohlomphegi, ke a bona gore O moprofeta. Ga se re be le moprofeta lebaka la makgolo a mengwaga. Ke a bona gore O moprofeta. Re lebeletše Mesia, gomme, ge Mesia yo a etla, le ke leswao la Gagwe. O ya go dira se ge A etla.” Amene. Oo, nna!

¹³⁹ Ke lena bao. Mosadi yola, ka seemong sa gagwe, o tsebile bontši ka ga Lentšu la Modimo go feta seripa sa bareri ka nageng ba dira. Yeo ke nnete. Yeo ke nnete. O rile, “Ke a tseba, ge Mesia a etla, yo a bitšwago Kriste, ge A etla, seo ke se A yago go se dira.” Ge yoo e be e le Yena maabane, yoo ke Yena lehono. Le a bona? Ke ka mokgwa wo A itsebagaditšeego ka Boyena, bobedi go Mojuda le go Mosamaria. Le a bona? Hlokomelang, yoo e be e le Yena maabane.

¹⁴⁰ O rile, “ke a tseba, ge Mesia a etla, O tla re botša dilo tše, eupša Wena o Mang?”

O rile, “Ke nna Yena, yo a bolelago le wena.”

¹⁴¹ O ile ka toropongkgolo, a tlogela pitša yela ya meetse. O rile, “Etlang, bonang Monna Yo a mpoditšeego dilo tše ke di dirilego. A yoo ga se yena Mesia?”

¹⁴² Bjoo e be e le boitsebišo bja Gagwe go Bajuda ba Gagwe, le go Mosamaria; eupša e sego go Montle, ga go nako e tee go Montle. Eupša ka go Luka, tema ya 17, O rile, “Ka matšatšing a mafelelo, bjalo ka ge go bile ka matšatšing a Sodoma, ge Morwa wa motho a tla be a utollwa, bjalo ka ge go bile boka go bile bjalo

matšatšing a Sodoma.” Bjale, ka matšatšing a Sodoma bjale. Gomme re a tswalela. Hlokamelang, go be go le . . .

¹⁴³ Ka mehla šetšang, ka mehla go ne magoro a mararo a batho, mogohle; le lengwe la ona ke modumedi, modumedi wa go itiriša, le mosedumele. A mo gohle. Hlokamelang . . .

¹⁴⁴ Šetšang Jesu a tsebagatša nako ya Loto le go tla ga Gagwe. Bjale šetšang, “Bjalo ka ge go bile matšatšing a Loto.” Bjale, ke mohuta ofe? Bjale, O boletše nako yeo, O be a bala Puku ya go swana ya Genesi yeo re e badilego, Jesu o be a le, “Matšatši a Noage,” gomme, morago, “bjalo ka matšatši a Loto.” Lebelelang morago gomme le bone se ba bego ba se dira ka matšatšing a Noage, le ka matšatšing a Loto, gobane ke Lengwalo la go swana.

¹⁴⁵ Bjale re a hlokomela, ka matšatšing a Loto, go be go le monna yo a bileditšwego ntle go tšwa magareng ga batho. Gomme o bile le sehlopha le yena, se se emelago Kereke, ya semoya. Gomme Kereke yeo, ya semoya, e be e le sehlopha sa Abraham.

¹⁴⁶ Ka gona o bile le yo motee ka kua, motlogolo wa gagwe, yo a mo tlogetšego, ka leina la Loto, gomme o ile tlase le go phela ka Sodoma. Gomme dibe tša Sodoma di be di tlaiša soulo ya gagwe; feela, mosadimogatša wa gagwe o be a ka se mo dumelele go dira eng kapa eng ka yona. O be a le wa diklapo tšohle le dilo.

¹⁴⁷ Gomme go no ba boLoto ba bantši kudu ba dula go dikologa matšatši a, le go tseba gore selo se fošagetše. Eupša kereke ya mosadi ba lego ba yona, ge ba ka bolela e ka ba eng ka yona, o tla tšeelwa karata ya gagwe; kafao yeo ke thekethe ya dijo. Kafao gona, hwetša gore se . . .

¹⁴⁸ Bjale ema. Abraham o be a lebeletše morwa wa tshepišo, (A ke knete?), wa semoya, morwa wa tshepišo.

¹⁴⁹ Bjale, gomme Loto o be a le tlase, o be a šetše a lebetše ka morwa. O be a no ba tlase a phela le mosadimogatša wa gagwe, le bana ba gagwe, le bohle tlase ka Sodoma. O be a bile ratoropo wa toropokgolo, gomme o be a le moisa yo mogolo. Mosadimogatša wa gagwe o be a le wa diklapo tšohle. Ba be ba etla mmogo gabotse.

¹⁵⁰ Gomme ka gona hlokamelang peakanyo yeo bjale. Bjale e nong go mpha motsotso feela goba ye mebedi boteletšana, šedi ya lena, sekgauswi. Šetšang peakanyo. Lefase ga se la ke la tsoge la dula ka leemong leo, ge e sa le, boka go le bjale, peakanyo yela ya go phethagala. Lebelelang mo, sehlopha sebiletšwa ntle. Bjale, go be go le Barongwa ba bararo ba tlide go Abraham, gomme ba babedi ba bona ba ile tlase ka Sodoma. Yo motee wa bona o dutše le Abraham, gomme yo Motee yo a šetšego le Abraham . . .

¹⁵¹ Bona ba babedi ba ile tlase ka Sodoma gomme ba rera tshokologo, le, “Etšwang ka mo! Etšwang ka go yona,” o boletše.

¹⁵² Eupša yo Motee yo a šetšego le Abraham, hlokamelang ka fao A itsebagaditšego ka Boyena go Abraham. Bjale elelwang, Abraham e be e le “Abram,” letšatši goba a mabedi pele ga fao, gomme Sarah o be—o be a se “Sarah.” Bjale ke A-b-r-a-h-a-m, A-b-r-a-h-a-m, maletere a šupago. Gomme ke S-a-r-r-a-h, tlhano, mogau, le a bona; e sego S-a-r-r-a, eupša S-a-r-r-a-h, le a bona, Sarah. Gomme šetšang Yena yo a dutšego fa bjale, a eja namane, a enwa maswi go tšwa kgomong, le potoro, le go ja dikuku tša lehea. A dutše fale a eja, a bolela le Abraham, gomme O rile, “Abraham.” O tsebile bjang leina la gagwe e be e le Abraham? Lentšu. O be a le Lentšu, o tsebile. “Abraham, mosadimogatša wa gago o kae, Sarah?”

¹⁵³ Basadi ka go wona matšatši ba be ba sa dire bjalo ka ge ba dira bjale, le a tseba, o swanetše go ba ka go ditaba tša monnamogatša le se sengwe le se sengwe, le a tseba. Ba dutše kgole, le a bona, kafao ba... Kafao o be a le ka go... O rile, “O ka tenteng, ka morago ga Gago.”

¹⁵⁴ Gomme O rile, “Nna,” bjale leo ke lešalašala, bjale, “Ke ya go go etela go ya ka tshepišo.” E dirilwe mengwaga ye masomepedi tlhano pele ga fao. O masomesenyane, gomme o lekgolo. Šole yena, hlogo ya gagwe ya lefatla e phadima, maledu a gagwe a mašweu a lekeletše fase. Yena, makgolo yo monnyane wa go tšofala ka lehlotlo le lennyane ka seatleng sa gagwe, morago kua ka morago, šole ye nnyane godimo ga legetla la gagwe. “Ke ya go go etela, gomme o ya go ba le ngwana yola wa tshepišo.”

¹⁵⁵ Šetšang, gomme Sarah o e segile. O rile, “Dilo tše di ka ba bjang? Ke tšofetše, le morena wa ka,” monnamogatša wa gagwe, “o tšofetše, le yena.” Le bona se ke se rago, motswalo wa lapa o be o se mengwaga le mengwaga le mengwaga. Ka baka la eng, o be a le mengwaga ye masomesenyane ka bokgale, gomme o be a le lekgolo. Popelo ya gagwe e be e hwile; moela wa gagwe wa bophelo o be o omile gomme o ile. Ga go sa na tlhologelo. O rile, “Nna, boka mosadi yo moswa, ka ba le boipshino le monna wa ka, yena a tšofetše le yena?” Gobaneng, o segile.

¹⁵⁶ Gomme Morongwa, goba Motseta, Monna ka magetla a Gagwe a šotologetše tente, o rile, “Gobaneng Sarah a boletše seo?” Le a bona? E be e le eng? Bjale šetšang. Gomme ka gona, morago ga ge sehlabelo se dirilwe, O timeletše.

¹⁵⁷ Bjale elelwang, Abraham o biditše Monna yola, “Elohim.” Ke babadi ba bakae ba tsebago seo? Le a se tseba. Yeo ke nnete. “Elohim,” yoo ke Ramaatlakamoka Modimo ka sebopego sa motho. O be a le Lentšu, gobane O kgonne go hlatha dikgopololo. Le a bona?

¹⁵⁸ Modimo ka nameng, e paka eng? Gore, “Ka matšatšing a mafelelo,” Jesu o rile, “feela pele...ge Morwa wa motho a utollwa go Kereke ya Gagwe ye e tshepišitšwego,” Kereke ye e sego tlase mošola ka Babilonia.

¹⁵⁹ Re na le kereke ya Babilonia, le tseba seo, dikerekemaina. Ba ka Babilonia. Gomme re na le—le Billy Graham le Oral Roberts, le bona ntle kua ba ba rakelela kgole, le bona. Gomme elelwang, e ka ba mang wa lena borahistori, ga se nke gwa ke gwa ba motho, ka go histori yohle ya mabaka a kereke, yo a kilego a ya ntle ka Babilonia ntle kua, a rera, gomme leina la gagwe le felela ka h-a-m, go fihla bjale: Billy G-r-a-h-a-m, e lego tshela, e sego šupa. Fao šetšang motseta ntle mošola, a rera tshokologo, le go foufatša mahlo a bona ka Ebangedi.

¹⁶⁰ Gomme go be go le yo Motee go babiletšwa ntle, Kereke ye e kgethilwego, yo e bego e laetsa leswao gore Modimo o be a le nameng.

¹⁶¹ Jesu o be a le Modimo nameng. Gomme ge Jesu a le ka go lena, bošegong bjo, e sa le Modimo a iponagatša Yenamong ka matšatšing a mafelelo, Morwa wa motho o ikutolla ka Boyena ka Kerekeng ya Gagwe, nama ya motho, o itira ka Boyena go tsebja. Le a e hwetša? Le a bona? Modimo, tlase fa ka Kerekeng ya Gagwe, a itira Yenamong gape Lentšu, Morwa wa motho a utollwa ka matšatšing a mafelelo, bjalo ka ge go bile ka matšatšing a Sodoma.

¹⁶² Bjale, elelwang, ge Modimo a file Bajuda le Basamaria leswao lela, gore O be a le Lentšu, Mopropeta yo Moshe a boletšego ka yena, Bantle . . . Morago ga ge ba bile le mengwaga ye dikete tše nne go Mo lebelela, re bile le mengwaga ye dikete tše pedi go Mo lebelela, O swanetše go itsebagatša Yenamong ka tsela ya go swana go renal, bjalo ka ge A dirile nako yela, goba O dirile phošo ge A itsebagaditše Yenamong nako yela. Modimo o swanetše go dira ka nako ya go swana, tsela ya go swana nako le nako, goba O dirile phošo lekga la mathomo. Ge A phološitše motho godimo ga motheo wa tumelo ya gagwe . . .

¹⁶³ Lebelelang, Modimo ga a tsoge a fetoga, bagwera. Ge motho a lahlegile, ka serapeng sa Edene, gomme o be a nyaka kgaogelo, Modimo o dirile sephetho ka fao A tla phološago motho. Gomme O mo phološitše ka madi a a tšholotšwego a wa go hloka molato. A yeo ke nnete? Yena ga se nke a ke a e fetola. Re agile ditoropokgolo, ditora; re agile tša kerekeleina, ditshepedišo tša thuto, gomme e sa dutše go swana; re na le dikerekemaina le mehuta yohle ya dilo. Eupša O phološa feela ka Madi. A ka se kgone go e fetola. Modimo ka mehla o dula a le therešo go tshepedišo ya Gagwe, Lentšu la Gagwe. E ka ba eng A e dirilego lekga la mathomo, O swanetše go e dira gape, goba O dirile phošo lekga la mathomo.

¹⁶⁴ Kagona, e ka ba eng Lentšu le la Modimo le tshepišago, seo ke se le swanetšego go ba. Gomme Jesu Kriste o a swana maabane, lehono, le go ya go ile. O swanetše go dira go swana. O swanetše go dira go swana. O swanetše go swana, bjalo ka ge A tshepišitše mo matšatšing a mafelelo O tla ba ka Kerekeng ya Gagwe.

¹⁶⁵ Gomme, elelwang, leo e bile leswao la mafelelo le Kereke e le hweditšego pele morwa wa tshepišo a etla. Abraham o bone maswao a mantši le matete, eupša leo e bile la mafelelo, ketelo ya mafelelo pele morwa wa tshepišo a etla. A yeo ke nnete? Hwetšang.

¹⁶⁶ Bjale, kereke, šetšang, bjalo ka ge go bile letšatšing lela. Re bile le mehuta yohle ya maswao, diphodišo, mehlolo, go bolela ka maleme, diprofeto; eupša, elelwang, re swanetše go ba le leswao la mafelelo feela pele... Elelwang, leo e be e le lefase la Bantle le le bego le tšhumilwe. Seo ke se le yago go ba sona nako ye. Feel a pele ga mollo, Morwa wa motho o tla ikutolla ka Boyena. Aa, ekwang, "Lebakana le lennyane, lefase le ka se Mpone gape, eupša efela lena le tla Mpona bofelong. Ke tla ba le lena, ebile le ka go lena, mafelelong a lefase." Jesu Kriste wa go swana maabane, lehono, le go ya go ile. "Bahlomphegi, re rata go bona Jesu."

A re inamišeng dihlogo tša rena.

¹⁶⁷ Tate wa rena wa Legodimong, re a botšwa ka Mangwalong gore Modimo o Mo tsošitše ka letšatši la boraro. Re a botšwa ka go Mokgethwa Johane, tema ya 14, temana ya 12, Jesu o rile, "Yo a dumelago go Nna, mediro ye Ke e dirago o tla e dira le yena. Le ye e fetago ye o tla e dira, ka gore Ke ya go Tate wa Ka."

¹⁶⁸ Morena Jesu, diiri di gola go ba leswiswi le go fifala. Kereke e lahlegile, ntle ka lešokeng, e tsekella go dikologa, go tloga go batho ba eya go tloga go mokgatlo o tee go ya go wo mongwe, go tloga go kerekeleina e tee go ya go ye nngwe.

¹⁶⁹ Etra, ka go Lentšu la Gago le le tshepišitšwego. Etra, Morena Jesu, gomme o tle ka go rena, bošegong bjo. Etra ka go pelo ye nngwe le ye nngwe yeo e lego fa. Etra ka pelong ya ka le bophelo bja ka. Gomme a nke O tsebagatše Wenamong le tumelo ya rena ka go Wena, bošegong bjo, gore O tsogile go tšwa bahung. O a swana maabane, lehono, le go ya go ile. A nke re Go bone, Morena, ka go seholpha se sennyane se sa batho ba go šokiša. Bjalo ka ge bohole re kgobokane fa, re ntle fa gobane re nyaka Bophelo. A selo se segolo, go tseba gore tsogo le Bophelo di magareng ga rena, a itsebiša ka Boyena, e sego ka se sengwe sa semakatſ, eupša go ya ka Lentšu le le tshepišitšwego. "Bjalo ka ge go bile matšatšing a Noage, le bjalo ka matšatšing a Loto, ge Morwa wa motho a utollwa."

¹⁷⁰ Ke a rapela, Tate, gore O tla e fa, bošegong bjo, gore, batho fa bao ba babjago le go hloka. Gomme bao ba babjago ka soulong, bao ba sa tšwago go tšoena kereke gomme ba sa tsebegoo selo ka go amogela Moya wo Mokgethwa, gomme ba O šetša O feleletša Lentšu le lengwe le le lengwe ka "amene," leo le lego ka Beibeleng. Beibele ke puku ya sephiri go bona; ga ba kgone go E kwešiša. A nke ba amogelete Mohlathollu wa Lentšu, bošegong bjo, yo a sa hlokego yo motee go Le hlatholla eupša Yena, go Le dira

kgonthe go bophelo bja bona. E fe, Tate. Re kgopela Leineng la Jesu. Amene.

¹⁷¹ Nka no ba ke tšwele metsotso ye lesome, bošegong bjo, go beng botelele. Ntshwareleng. Eupša re no ya go bitša di se kae tša dikarata tša thapelo, a nke ba ba rapelele.

¹⁷² Bjale ke ya go le kgopela selo se tee, bjale, le se ke—le se ke la emeleta gomme la sepelasepela. A le tla? E nong go dula tuu. Bonnyane, o no—feela se sengwe, boka ngwana yo monnyane goba se sengwe, o swanetše go e tše. Eupša ge le ka no dula go iketla feela lebaka la metsotso e se mekae, feela . . .

¹⁷³ Gomme a re boneng ge A ka tla, ge A ka tla le go itsebagatša Yenamong, bošegong bjo. “Bahlomphegi, re rata go bona Jesu.” Gomme le kgora go bona Bophelo bja Gagwe bo phela, thwi, bo dira tlwa se A se dirilego nako yeo, ka gore O tla swanela go dira go swana. Le a bona?

¹⁷⁴ O rile, “Ke nna . . .” Eng? Morara. “Lena le . . .” Eng? Makala. Gabotse, bjale, go bjang . . . Ke mohuta ofe wa Bophelo bo lego ka go Morara bo tla swanela go ba ka go lekala. Bjale lebelelang, e reng, ka fa lehono . . .

¹⁷⁵ Lena batho, a lena bohole ga le bjale dienywa tlase mo, kenywa ya siterase le dilo? [Yo mongwe o re, “Dipholamo.”—Mor.] Eng? [“Dipholamo.”] Dipholamo. Go lokile. O bjala . . .

¹⁷⁶ Lebelelang fa. Ge morara wa lena o hloga le go tliša lekala go tšwa go morara wola, gomme e ka ba kenywa efe yeo e lego go morara wola, ge morara wola o hloga lekala le lengwe, e tla ba selo sa go swana.

¹⁷⁷ Ke be ke eme le mogwera wa ka, mengwaga ye mmalwa ya go feta, ntle ka Arizona, Mna. Sharrit. Gomme o be a na le mohlare wa siterase fale, ke nagana gore o be o na le dikenywa tše senyane tša go fapano godimo ga wona. Gomme o bile le swiri, papalamone, narekisi, tangelo, namune. Ke rile, “Ke mohuta ofe wa mohlare wola o lego?”

O rile, “Ke mohlare wa monamune.”

“Gabotse,” ke rile, “gabotse, tšona ditsene bjang ka fale?”

O rile, “Ke di hloimeseditše.”

¹⁷⁸ “Oo,” ke rile, “ke a bona, Ngwanešu Sharrit.” Ke rile . . . ke nagana Ngwanešu Sharrit o be a na le nna nako ya mafelelo ke bego ke le fa. Gomme kafao ke rile, “Gabotse, Ngwanešu Sharrit, bjale, ngwaga wo o latelago, ohle a tla ba dinamune, gomme di ka se be . . .”

¹⁷⁹ “Oo, aowa. Aowa, aowa. Huh-uh.” O rile, “Papalamone e tla enywa papalamone. Swiri e tla tšweletša swiri.”

“Gabotse,” ke rile, “seo se bjang?”

O rile, “Yohle ke siterase.”

¹⁸⁰ “Oo!” Ke e hweditše nako yeo. Ke rile, “Yeo ke yona.” Ke rile, “Ke a Go leboga, Morena.”

¹⁸¹ Le a bona, re hlomesetša mekgatlo ya ren a ka go Morara wo, e tla phela ka Morara, eupša e enywa mohuta wola wa kenywa ye e lego yona. Eupša ge mohlare wola wa monamune o ka tsoge wa hloga lekala le lengwe, le tla tšweletša dinamune. Gomme ge Bophelo bjola bo etšwa go Jesu Kriste, gomme ba ngwadile Puku ya Ditiro ka morago ga Kereke yela ya mathomo, ge a tšweletša ye nngwe, ba tla ngwala Puku ye nngwe ya Ditiro ka morago ga yona, ka selo sa go swana, gobane go swanetše go swana. [Ga go selo go theipi—Mor.]

¹⁸² Ga ba ne nako go ba hwetša bohole. Kafao a re nong, ka pela bjale, ge re sa no ba le metsotso e se mekae, go thoma go tloga go M tee, pedi, tharo, nne, tlhano. Phagamišetšang diatla tša lena godimo, lena ba le nago . . .

¹⁸³ Ke mang a nago le M tee? A o gona? Karata ya thapelo M tee? A o ne kgonthe . . . Oo, M tee, o na le karata ya thapelo nomoro tee? Ke mang a bilego le yona? Mohumagadi fale ka nomoro tee, etla thwi godimo fa. A ke—a ke mo o ba tlisago? Nomoro tee, etla godimo mo, mohumagadi.

¹⁸⁴ Nomoro pedi, ke mang a nago karata ya thapelo nomoro pedi? Thwi mo. Go lokile, etla thwi godimo mo, mohlomphegi. Tharo, phagamišetša seatla sa gago godimo.

¹⁸⁵ Bjale šetšang batho ba ka go maako, ge dikarata tša bona di bitšwa, le ba rwalela godimo fa, gobane ga ke nagane le o tee wa bona o kgona go sepela, le mokgomana fale ka go setulo sa bagolofadi. Go lokile.

¹⁸⁶ Tee, pedi, tharo. Karata ya thapelo tharo? Go lokile, tharo. Nne, nne, karata ya thapelo nne. A re . . . Lebelela karata ya gago bjale, thwi ka pela. Tlhano. Thwi fale, emelela. Eya thwi mo, mohlomphegi. Tshela, karata ya thapelo tshela, tshela. Šupa. A—a . . . Batho ba ba bolela Sefora? Goba, šupa, go lokile. Seswai, seswai. Lebelelang, e ka no ba yo mongwe sefoa, goba se sengwe. Seswai, go lokile. Go lokile, bjale šetšang. Šetšang, diašara šetšang tšona karata thwi fao. Seswai, senyane; senyane, lesome. O ka se tsoge wa tseba moo ba lego. Tšohle di nno hlakahlakanywa le go fa ntle mogohle, le a bona. Lesome. Go lokile. Lesometee, lesometee. O na le lesometee, karata ya thapelo lesometee? Go lokile, godimo fa, lesometee.

¹⁸⁷ Lesomepedi, karata ya thapelo lesomepedi. A go a kgo- . . . Ba bolela Sefora? [Ngwanešu o bolela le Ngwanešu Branham—Mor.] Eng, eng, huh? Oo. Ge ke kopane le wena . . . O bolela Sefora, a o a dira, . . . ? . . . Lesomepedi.

¹⁸⁸ Lesometharo. Šetšang, e ka no ba yo mongwe sefoa, le a bona; ga ba kgone go kwa, ba nno dula fale, ba swere karata. Lesometharo. Lesomenne, lesomenne, karata ya thapelo nne- . . . lesomenne, lesomenne. Lebelela ba bangwe, lebelela moagišani

wa gago, mohlomongwe o swere karata, o dutše fale e le sefoa, le a tseba, gomme ga a kgone go kwa selo, ka gona re . . . se thunyetša morago ka tsela yeo. Lesomenne. Bjale, dikarata tša thapelo ga di fetolanywe, gomme di swanetše go ba; motho o swanetše go tla go tšeа karata ya bona le go swara karata ya bona. Mohlomongwe yo mongwe o ile ntle.

¹⁸⁹ Gabotse, lesometlhano. Gabotse, a re, re tla ema. Gabotse, eya pele. O na le lesometlhano, eya pele. Seo se lokile.

¹⁹⁰ Bjale a re leteng thwi fa feela motsotsa, gona, le a bona, ge re sa ba komana. Go lokile, bjale, hle ebang tlhomphokgolo ka kgonthé gomme le dule go iketla, feela nakwana.

¹⁹¹ Bjale, tšohle ke di boletšego bošegong bjo, ke ba bakae ba dumelago ke tshepišo ya Lengwalo? Yeo ke nnete. Bjale, bjale, a ke therešo, ke selo sa go latela. Le a bona? A ke therešo? Gabotse, ge e le therešo, gona ke Lentšu la Modimo, gona O tlamegile go Lentšu la Gagwe, tshepišo e ka ba efe. A le dumela seo? Bjale ge A ka itira Yenamong go tsebjia ka tsela ya go swana yeo A itirilego Yenamong go tsebjia go bobedi Mojuda le Mosamaria, gomme o rile O tla e dira gape mo matšatšing a mafelelo go Bantle, a le tla dumela? Phagamišetša seatla sa gago godimo, e re, “Ke tla e dumela.” [Phuthego e re, “Ke tla e dumela.”—Mor.] Bjale go na le bjale . . .

¹⁹² Batho ba mo, ga—ga ke thanke go na le yo mongwe mo yo a ntsebago. Ke—ke naganne ke bone yo mongwe fa nakwana ya go feta, ke tsebile, eupša ke—ke nagana ba ile, yo mongwe. Yo mongwe le yo mongwe go tlaba . . . Ke ba bakae ntle fale ba tsebago gore ga ke tsebe selo ka ga lena? Phagamišetšang diatla tša lena godimo, e ka ba kae, ka maphagamong, e ka ba kae le lego. Nnete. Bjale lebelelang, ge ba sa ba Bea komana tlase fale.

¹⁹³ Go be go le mohumagadi yo monnyane nako ye nngwe, gomme a re re o be a se na le karata ya thapelo. O be a na le selo se sengwe se kaonekaone. O bile le tumelo, gomme o rile, “Ke dumela Monna. Ge nka no kgona go kgwatha morumo wa kobo ya Gagwe, ke tla fola.” Ke ba bakae ba tsebago leo ke Lengwalo; mosadi ka madi . . . ? Go lokile.

¹⁹⁴ Bjale a re šetšeng bjale, feela Lengwalo le lengwe, ge, go fihla ba mpotša ba komana.

¹⁹⁵ Mosadi yo o be a se na le karata ya thapelo, eupša o be a na le tumelo. O rile . . . O be a se ne Lengwalo bakeng sa yona, boka le na le, bošegong bjo. Eupša, o be a se ne Lengwalo, eupša o rile, “Ge nka kgona go kgwatha kobo ya Gagwe! Ke dumela Monna. Ke tla fola.” Gomme o ngwegile go kgabola lešaba, gomme a kgwatha seaparo sa Gagwe.

¹⁹⁶ Bjale, a le kile la bona seaparo sa Mapalestina? Se dikologa go tlemologa, gomme gape se na le seaparo sa ka fase. Bjale, ge o kgwathile potl- . . . potla ya ka ya jase ya ka, nka se tsoge ka

e kwa. Le a bona? Gomme seaparo sa Gagwe se lekeletše ntle bokgole *bjola* go tloga go Yena.

¹⁹⁷ Yena ga se a ke a tsoge a kwa kgwatho ya mmele. Kafao, ebile O netefaditše seo, O rile, “Ke mang a Nkgwathilego?”

¹⁹⁸ Gomme Petro o rile, “Gobaneng, Morena,” ka mantšu a mangwe, “O tla dira batho go nagana O—O a hlanya. Le a bona, o se ke—o se ke—o se ke wa bolela seo. O a bona? O se ke wa dira seo, ka baka la gore yo mongwe le yo mongwe o a Go kgwatha.”

¹⁹⁹ O rile, “Eupša Ke a bona gore Ke fokotše.” Bokwala bo tlogile go Yena. Ao ke maatla. “Ke fokotše.” Gomme O lebeletše go dikologa go kgabola batheeletši, gomme O hweditše mosadi, o mmoditše ka taba ya gagwe ya madi, gomme o rile tumelo ya gagwe e be e mo thakgafaditše. Ke ba bakae ba tsebago kanegelo? Ke therešo.

²⁰⁰ Bjale, bjale badiredi, baena godimo fa. Bjale, Beibele e boletše, gore, “Yena ke Moprista yo Mogolo bošegong bjo yo a kgonago go kgwathwa ke dikwi tša mefokolo ya rena.” A yeo ke therešo?

²⁰¹ Ke ba bakae ntle fale ba dumelago seo?

²⁰² “Yena ke Yogodimo... a dutšego ka seatleng se setona sa Modimo, bošegong bjo, Moprista yo Mogolo yo a kgonago go kgwathwa ke dikwi tša mefokolo ya rena.” Gona O tla dira bjang ge o Mo kgwathile? O tla dira ka tsela ya go swana A dirilego nako yela, ge A swana maabane, lehono, le go ya go ile. A yeo ke therešo?

²⁰³ Kafao, bjale, le a dumela, gomme le a rapela, gomme le a tshepa, bonang se Modimo a se dirago. Bonang ge le ka kgona go kgwatha kobo ya Gagwe. O a Mo kgwatha, o re, “Morena Jesu, ke a tseba moreri yola ga a ntsebe. O be a sa tsebe selo ka nna, eupša O a dira. Kafao, Morena, ge ke Go kgwatha, O bolele ka yena.” Bjale ke eng se?

²⁰⁴ Mpho ga se se sengwe seo o se tšeago boka se—se sekhwama, goba thi—goba thipa, le go ya go kgabola ka thipa yela boka mpho, go sega, yeo ga se mpho ya Modimo. Mpho ya Modimo e no ba... Mpho ya Modimo ke go tseba ka fao o iketlago wenamong, go itloša tseleng wenamong, gore Modimo a kgone go tla ka gare le go go šomiša. Ga se se sengwe seo o nago naso ka seatleng sa gago, seo o se hlabago tikologong. O no itloša tseleng wenamong, gomme wa dumelela Moya wo Mokgethwa go go šomiša. Bjale, bjale, a yeo ga se tsela ye lena batho le dirago ge le bolela ka maleme, lena Mapentecostal? O no itloša tseleng wenamong.

²⁰⁵ Gabotse, seo ke selo sa go swana fa bjale. Gomme ge A ka e fa, a o tla e dumela le go e amogela, go tseba gore Bogona bja Gagwe bo fa? O ka se hloke karata ya thapelo nako yeo.

²⁰⁶ Go reng ka mo—mo Moahlodi wa Legodimo le lefase, bjalo ka ge Abraham a Mmiditše, “Moahlodi wa Legodimo le lefase, a O

ka dira phošo?" Le a bona? Ge Yena, ka matšatšing a a mafelelo, go ya ka tshepišo ya Gagwe bjale... Go kgabola beke, re tla no tšwelapele re lahlela Lengwalo ka fale, go le bontšha yeo ke Therešo. Gomme ge A le fa le rena, bošegong bjo, go hlaka kudu gore le kgone go bona mediro ya Gagwe le go tseba O fa, bjalo ka Lentšu la Gagwe le le tshepišitšwego; e sego selo se sengwe sa nonwane, eupša se Lentšu la Gagwe le tshepišitšego gore O tla ba sona; ka gona le a Mo dumela.

²⁰⁷ Bjale, ga ke tsebe bjale. Dinako tše dingwe, ge dipono di etla, gona go tla... Nka se kgone go bolela se ke se bolelago; kafao a nke se—se segodišantšu, le e ka ba eng se lego, e ka ba mang a lego go sona, a se phagamiše. Ke nyaka le be tlhomphokgolo ka kgonthe feela nakwana.

²⁰⁸ Bjale a yo ke mo—mo mohumagadi? Bjale, fa, go direga go ba mosadi, feela se ke bego ke bolela ka sona, Mokgethwa Johane 4, mosadi le monna ba kopana lekga la mathomo ka bophelong. Ke nna mosetsebje wa go felela, gomme re basetsebane ba go felela yo motee go yo mongwe. Ge seo e le nnete, feela gore o phagamiše seatla sa gago, a nke batho ba bone (Le a bona?) ga se nke ra ke ra kopana seng sa rena bophelong. Fale go eme mosadi, fa nna, feela selo sa go phethagala sa rena... Ga o mosadi kua, gomme ga se nna Morena, eupša ke—ke batho ba babedi bao ba kopanago fa, feela lefelo le lennyane boka ba kopane, lekga la mathomo bophelong. Bjale, ge A swana maabane, lehono, le go ya go ile, mohlomongwe O tla bolela le wena motsotso, o a bona, boka A dirile mosadi. O a bona? Bjale, Tate...

²⁰⁹ Letšatši le lengwe, ge, e se kgale ge Ngwanešu Borders, fa, o be... re bile le ditaletšo tše makgolotshela le metšo ka Dinageng fa, ntle le mošwamawatle, o rile, "Baton Rouge, Louisiana, go sehlopha sa monna tlase kua."

²¹⁰ Ke rile, "Eya pele, seo se lokile, beakanya kopano tlase kua." Ke ikwetše go dira seo. Ke nna yo. Bjale ga ke tsebe ke eng sa go latela. Ke no ba fa. Seo ke sohle ke se tsebago. Le a bona?

²¹¹ Bjale ke wena yo, motho. Ke rera Lentšu, ke bolela gore, "Yena ga se a hwa. O a phela." O a phela, gomme o tshepišitše go itsebagatša Yenamong ka nameng ya rena, nama ya motho, boka A dirile morago fale. Le a bona? Tšohle tše Modimo a bego a le tšona, O di tšholletše ka go Kriste; tšohle Kriste a bego a le tšona, di tšholletše ka go Kereke. Yoo ke Yena, Kriste ka go rena. Bjale ge Morena Jesu a tsogile go tšwa bahung...

²¹² Gomme ke tla le tliša godimo fa le go bea diatla go lena, gomme mohlomongwe boka ba bangwe ba baena ba rena ba moebangedi, yeo e no ba nnete tlwa, le go bea diatla godimo ga gago, ba re, "Bofokodi bja gago bo ile. Morena o go fodišitše." Seo se tla loka. O ka kgona go ya. Seo se lokile. Ka kgonthe ke dumelela yeo, lekgolo le tee la phesente. Seo ke se Beibebe e se boletšego.

²¹³ Eupša bjale go ka reng ge A eme fa le go go botša se sengwe seo o se dirilego, goba se sengwe seo o bego o se wa swanela go be o se dirile? Ge A tseba se o bilego, le go go botša se o bilego, gomme o tseba ge eba ke therešo goba aowa, gona ge A go botša se bokamoso bja gago bo yago go ba; ge seo e le nnete, se se ya go loka, le sona. A yeo ke nnete? Seo se e dira Yena, le a bona. Bjale ke no bolela seo go kgokagana le moywa gago. Le a bona, go no swana le ge A dirile mosadi sedibeng, “Ntlišetše seno.”

²¹⁴ Bjale go ne selo se tee ke nyakago le se hlokomele bjale. Šetšang mosadi, šetšang tlhagišo e fetoga godimo ga sefahlego sa gagwe, feela bjale. Le a bona? O lemoga gore se sengwe se a kgatlampana. Ke ba bakae ba kilego ba bona senepe sa Seetša sela? Le a bona, Se thwi godimo ga mosadi bjale, le a bona. Le a bona? Le a bona? Le a bona? Le a bona, Ke... Le a Se bona fale? Ke mohuta wa Seetša sa botalaserolwana, se a sepela. Bjale bothata bja gagwe ke se... .

²¹⁵ Bjale ge ke be nka kgona go go fodiša, ke be ke tla e dira, eupša nka se kgone. Nka se kgone go go fodiša. Modimo ke mofodiši; tumelo ya gago ka go Modimo.

²¹⁶ O tšhogile go fetiša. O tlaišega ka seemo sa letšhogo, gomme ka gona o ne se sengwe sa phošo ka mogolo wa gago. Ga o kgone go bolela, feela ka godimo ga go sebena. Ke thathana ya kgokgokgo. Yeo ke nnete. Bjale a o a dumela? Bjale feela nakwana, feela gore ba se nagane ke be ke e thanka, feela motsotso, o a bona. Ke, ya, ke e bolela gore batho ba se nagane... O motho yo mobotse, gomme ke na le kgomanoye botse le Moya wo Mokgethwa, le wena, o a bona. Kafao, bjale, ee, o eleditswe go dirwa karo, eupša o e ganne. Yeo ke nnete tlwa. O letetše Modimo... Ee, mohlomphegi.

²¹⁷ Selo se sengwe, o na le seemo sa asma seo se go tshwenyago. Yeo ke therešo. A ga se yona? Bjale, o a bona, Se sengwe mo se a go tseba. A yeo ga se mnete? A o a dumela ke Yena? Gona e dumele, gomme o tloge sefaleng, gomme o fole. Gomme dumela ka pelo ya gago yohle. Amene. A o a dumela bjale ka pelo ya gago yohle? “Ge o ka kgona go dumela!”

²¹⁸ O dira bjang, mohlomphegi? Ke mosetsebje go wena, ke a nagana. Ge re... [Ngwanešu o re, “Ke kopane le wena gatee pele, ka Baton Rouge.”—Mor.] Wena, o kopane le nna ge ke be ke le mo pele, ka Baton Rouge. Nna, e bile lebaka la go feta, a ga se ya ba lona? Ke a thanka e bile mengwaga ye lesomepedi, goba bontši, mohlomongwe boteletšana, gomme mohlomongwe mengwaga ye lesomenne. Gabotse, nka se tsebe eng, selo ka wena, go no feta gore o be o le ka kopanong, goba se sengwe, eupša Modimo o a go tseba.

²¹⁹ Gomme ke Seetša. Ke swanetše go Se šetša, go bona moo Se yago, o a bona, go batho ba bangwe. Yeo, Ke tlotšo. Bjale ge Morena Jesu a ka... Ke rena ba... Ke—ke a dumela motho wa

mafelelo o be a le mo—mo mosadi. Bjale go no swana le toro, le a bona, o lorile se sengwe.

²²⁰ Bjale, bjale o monna. Gomme bjale ge Jesu a kopane le monna, Simone Petro, ge A itsebagaditše Yenamong. Leina la gagwe e be e le Simone, nako yeo. O mmiditše Petro. O rile leina la gagwe le tla ba, ka morago ga fao, la bitšwa Petro. Ge Morena Jesu a ka mpotša se bothata bja gago e lego, a o tla ntumela go ba mohlanka wa Gagwe, le go dumela gore O gona?

²²¹ A motho yo mongwe le yo mongwe ka fa o tla dumela selo sa go swana? Mohlomongwe o a tsebja mo, gobane o tšwa toropongkgolo.

²²² Ke bona se sengwe, boka o thanhtshetšwe ka se sengwe. Seo ke, ee, ke sona, gobane ke madi, se sengwe sa phošo ka madi. O tšwa madi ka malang. Yeo ke nnete tlwa. Alesa yela ka fale, le yona. O a bona? Bjale, yeo ke therešo, a ga se yona? [Ngwanešu o re, “Amene.”—Mor.]

Bjale o a dumela?

²²³ Yeo ke tsela ye Morena wa ren a ka bego a e dirile. A O be a ka se ke? Yoo ke Yena a e dirago. A ga o e dumele? [Ngwanešu o re, “Amene.”—Mor.] Go ka reng ge . . . Jesu o boditše Simone leina la gagwe e be e le mang. Go ka reng ge Modimo a ka mpotša leina la gago ke mang, a o tla ntumela? [“Amene.”] Go lokile, mohlomphegi. Lewis Carrie. [“Amene.”] Yeo ke nnete tlwa. Eya pele tseleng ya gago. Amene. Eba le tumelo go Modimo.

²²⁴ A o a dumela? O a swana maabane, lehono, le go ya go ile.

²²⁵ Bjale ke mosetsebje go wena, kgaetšedi. Ga ke go tsebe, ga se ka ke ka go bona, ka bophelong bja ka. O no ba mosadi o eme fa. Yo monnyane go nna, o belegwe dimaele go arogana, le mengwaga go arogana. eupša O a swana maabane, lehono, le go ya go ile. A o dumela seo? [Kgaetšedi o re, “Ee.”—Mor.] A o dumela seo—seo?

²²⁶ Bjale, o a tseba, go emeng ka lehlakoreng la monna, ngwaneno mo, go ka se go dire o ikwele ka mokgwa woo. O a tseba go swanetše go ba se sengwe gape, ka Bogoneng bjola, bose ka kgonthe, go kokobela, boleta. A yeo ga se nnete? Ge seo e le therešo, gore batheeletši ba tsebe, e no emišetša seatla sa gago godimo gore ba kgone go bona. Le a bona, ke lebeletše thwi go yena, Seetša sela se dikologa thwi go mo dikologa.

²²⁷ Mohumagadi o eme fa bakeng sa yo mongwe gape. Ga a fa bakeng sa yenamong. Ke bakeng sa morwedi. Yeo ke nnete. O a dumela Morena a ka mpotša se . . . O beakantsše go tliša mosetsana yola kopanong. Eupša o—o a dumela Modimo a ka mpotša bothata bja gagwe ke eng? A o tla dumela le go bea sakatuku sela godimo ga gagwe, le go dumela gore o tla fodišwa? Ke ka mokokotlong wa gagwe. Yeo ke nnete. Seo ke tlwa. Sepela,

dumela bjale. Bea seo godimo ga gagwe, o tla fola. Go lokile, nno e dumela.

²²⁸ A o dumela ka pelo ya gago yohle? “Ge o ka kgona go dumela! Dilo tšohle di a kgonega go bona ba ba dumelago.”

²²⁹ O dira bjang? Re basetsebane mongwe go yo mongwe, ke a nagana. Ga ke go tsebe, ga o ntsebe, eupša Morena o re tseba bobedi bja rena, kafao go beng monna le mosadi ba kopana lekga la mathomo. Bjale, Morena wa rena o boletše selo sela se tee go mosadi yola, gomme toropokgolo ka moka ya dumela. Ga se ba ke... Yena ga se a e dira gape. O nno e dira nako e tee, gomme toropokgolo yohle ya dumela.

²³⁰ Bjale o se ke—o se ke wa boifa. Ga go selo se yago go go tshwenya. E ya go go thuša, o a bona, ka gore ga ke nagane gore o moswaswalatši, goba wena... mororomelo wola wa seo... Moya wa Morena o be o ka se tle ka gare ka mokgwa wola. O modumedi, kafao ga o ne lebaka go tšhoga ka e ka ba eng.

²³¹ O tlaišega go tšwa go—go go phatloga. Yeo ke nnete tlwa. Gomme a o a dumela gore Morena Jesu o tla go fodiša go seo? Go ka reng ge nka go botša se sengwe gape se bego se fosagetše ka wena, a go tla go dira o tie go dumela? O na le lehuto. Ge nka kgona go go botša... Ga le godimo ga lerama la gago. Le ka mokolong wa gago. Ge yeo e le mnete, šišinya. Go lokile, bjale dumela. Sepela, dumela gabotse, gomme o dirwe go fola.

²³² A le a dumela bjale, yo mongwe le yo mongwe wa lena, ka pelo ya lena yohle? Bjale seo se swanetše go dira yo mongwe le yo mongwe a lemoge o ka Bogoneng bja Modimo. Go lokile.

²³³ Mohlomphegi, a o a dumela gore Modimo a ka kgona go fodiša atheraithisi yeo gomme a go dira o fole? [Ngwanešu o re, “Ee.”—Mor.] Ge o dira, e no tšwelapele o sepela, o re, “Ke a Go leboga, Morena Jesu.”

²³⁴ Bjale etla ka tsela ye, mohumagadi. Ke go bona o leka go tsoga go tšwa malaong, le wena, ka kgonthe go nokologa, atheraithisi, le wena. Ge o ka dumela ka pelo ya gago yohle, Modimo o tla go dira o fole. A o a e dumela? Go lokile, nno tšwelapele o sepela, o re, “Ke a Go leboga, Morena Jesu. Ka kgonthe ke a e dumela, ka pelo ya ka yohle.” Go lokile.

²³⁵ Etla, mohlomphegi. Seemo sa letšhogo, le dilo, le proseteite. Le, atheraithisi, gape; gomme bea seo godimo ga gagwe, dumela ka pelo ya gago yohle. Fola, le wena. Bjale e no tšwelapele o sepela, o dumela Modimo. Gomme go tla loka, ge o ka no e dumela. Go lokile.

²³⁶ Etla ka tsela ye, mohumagadi. A o ntumela go ba mohlanka wa Gagwe? O a dira. A o a dumela gore Modimo a ka kgona go fodiša bothata bjoo bja pelo o nago nabjo? [Kgaetšedi o re, “Ee.”—Mor.] Gabotse, nno tšwelapele o sepela, o re, “Ke a Go

leboga, Morena. Ke a Go leboga go mphodišeng bothata bja pelo ya ka." Go lokile.

²³⁷ Etra, mohlomphegi. A o dumela se o se bonago go ba Therešo? Go ka reng ge ke go bodiše gore bothata bjola bja mogodu bo fodišitšwe, tlase kua, gomme o ya go ja selalelo sa gago, a o tla e dumela? Go lokile. Eya pele, eja selalelo sa gago, o ya go loka.

²³⁸ O swanetše . . . O apešitšwe ke moriti; kankere. A o a dumela gore Modimo o tla go dira o fole, le go go fodiša? Go lokile, nno tšwelapele o sepela, o re, "Ke a Go leboga, Morena Jesu. Ke dumela ka pelo ya ka yohle."

²³⁹ Gape, pelo ya letšhogo. A o a dumela gore Modimo o tla e fodiša le go e dira e fole? E no tšwelapele o sepela, o re, "Ke a Go leboga, Morena Jesu," gomme e dumele ka pelo ya gago yohle.

²⁴⁰ Etra ka tsela ye, mohumagadi. Lebelela godimo mo. Selo sa gago se segolo . . . O na le dilo tše mmalwa tša go fošagala ka wena, bothata bja sehumagadi. Eupša selo se segolo sa gago ke bothata bja pelo bjo bo go tshwenyago gampe ka nnete. A o a dumela gore Modimo o tla e fodiša le go go dira o fole? E no tšwelapele o eya pele, o re, "Ke a Go leboga, Morena Jesu. Ke dumela ka pelo ya ka yohle." Go lokile.

²⁴¹ Etra, mohlomphegi. O na le dilo tše pedi goba tše tharo tša gago di fošagetšego ka wena, dithhakahlakano. Eupša selo se segolo sa gago o nyakago ke se rapelela, goba go kgopela ka sona, ke atheraithisi yela o nago nayo. Lebelela atheraithisi . . . E no tšwelapele o sepela, o dumela, gomme o ka se tsoge wa swanela go tšeа lepara leo. Amene. E dumele ka pelo ya gago yohle.

²⁴² O na le bothata bja mogodu. Bo hlotšwe, bo bile le wena nako ye telele, ke seemo sa letšhogo go dira mogodu wa alesa. O nwa e ka ba eng, yeo ke—yeo ke mohuta wa go swana le kofi goba se sengwe, e ba go baba ka molomong wa gago le dilo boka tšeо. Sepela, dumela bjale, gomme e ka se sa go tshwenya gape. Jesu Kriste o tla go fodiša.

²⁴³ Etra, mohumagadi. A o dumela gore Jesu Kriste . . . Motsotso feela. Motsotso feela.

²⁴⁴ A o a dumela Modimo o fodiša saenase yela, o dutšego fale, le go go dira o fole go saenase? A o a e dumela, ka pelo ya gago yohle? Mohumagadi a dutšego fale a aperego roko ya go lebega magwadigwadi. A o a dumela gore Modimo o tla go fodiša le go go dira o fole go yona? O bile le tumelo ye ntši go feta ka mo o nagannego o bile le yona. Go lokile. Go fedile bjale. O a dumela.

²⁴⁵ O nagana eng? A o a dumela gore Modimo o tla go fodiša le go go dira o fole go seemo sela sa letšhogo, a dutšego fale, monna yola? [Ngwanešu o re, "Ee, mohlomphegi."—Mor.] O a dira, o a e dumela? Bjale o kgwathile Mang? Ga se nke a nkgwatha. O Mo kgwathile. Seo ke se se e dirilego. Amene.

²⁴⁶ O wetše godimo ka difarong tša gago, gomme o be o ne bothata bja leihlo. Mahlo a gago a ba gampe ga o kgone le go ya tikologong. A o a dumela gore Modimo o tla go dira o fole? E dumele, gomme o ka kgona go ba le yona. Amene. Ke a go hlohla gore o e dumele.

²⁴⁷ Bothata, bothata bja mogodu, bo sa tšo go tlogela. A o a e dumela? Bjale eya pele ka tsela ya gago gomme o hlalale, gomme o re, “Ke a Go leboga, Morena,” dirwa go fola.

²⁴⁸ Mohumagadi yo monnyane yo a dutšego thwi mo, a aperego roko ya go lebega botala. O leka go kgwatha se sengwe. O a rapela. A o a dumela gore Modimo a ka kgona go mpotša se o se rapelelago? Go tloša bothata bjoo bja sabohloko, gomme o nagana gore o tla ba gabotse? Mohumagadi, mohuta wa go bopega boima fale, a aperego roko, yo mogolo. A o a dumela gore Modimo o tla go fodiša bothata bja sabohloko, ge o ka kgona go dumela? Modimo o tla e fa go wena, gomme o ka kgona go ya le go dirwa go fola. Amene.

²⁴⁹ O swanetše go e dumela. O ka kgona feela go e dira ge o dumela. Ke ba bakae ba lena ba nyakago go dumela ka pelo ya lena yohle?

²⁵⁰ Bjale, “Bahlomphegi, re rata go bona Jesu.” O tsogile go tšwa bahung. O a phela lehono. O fa ka Kerekeng ya Gagwe, go bontšha gore go Tla ga Gagwe go batametše kgauswi.

²⁵¹ Lefase le ya go tšhungwa boka le bile matšatšing a Sodoma. Diathomo di šetše di kgobokane mmogo ka go—ka go merwalo le dilo, go mo tšhuma. Gomme, eupša pele seo se direga, Morwa wa tshepišo o tla fihla, ka Sebele, Jesu Kriste, go tšeela Kereke ya Gagwe Gae. A le dumela seo ka pelo ya lena yohle?

²⁵² A le a dumela gore O a swana maabane, lehono, le go ya go ile? Ke ba bakae ba dumelago bjale gore Bogona bja Gagwe bo fa, gomme le a dumela gore O dirile setatamente se, “Maswao a a tla latela bona ba ba dumelago; ge ba bea diatla godimo ga balwetši, ba tla welwa ke maruru”? Phagamišetšang diatla tša lena godimo.

²⁵³ Bjale beanang diatla tša lena go lena seng, moo batho ba go babja ba lego, beang diatla tša lena. Ya, ke thari, ke a boifa ba tla ntira go tswalela. Beang, beang diatla tša lena, bjale le rapelelane seng sa lena. O se ke wa ithapelela ka bowena, rapelela yo o nago le diatla tša gago godimo ga gagwe. Bjale O fa go fodiša yo mongwe le yo mongwe wa lena. E dumeleng!

²⁵⁴ Tate wa Legodimong, re a dumela bjale ka pelo ya rena yohle, gore ka Bogeneng bja Jesu Kriste, Morwa wa Modimo, gore diabolo o lahlegetšwe ke maatla a gagwe, khuetšo ya gagwe, gomme Jesu Kriste o a phela bjale.

²⁵⁵ Etšwa, Sathane! A nke batho ba ba dirwe go fola, bakeng sa Mmušo wa Modimo.



MOHLOMPHEGI, RE RATA GO BONA JESU NST64-0318
(Sir, We Would See Jesus)

Molaetša wo ka Ngwanešu William Marrion Branham, setlogong o abilwe ka Seisimane ka Laboraro mantšboa, Matšhe 18, 1964, ka Denham Springs High School ka Denham Springs, Louisiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org